

6994

069355-0  
202-0707335

# საქართველოს მეცნიერებათა აქადემიის გაზეთი

საქართველოს  
მეცნიერებათა  
აქადემიის  
გაზეთი



1917



თბილისი, № IV.

გეოგრაფიკული



# ბუნების

საქართველოს სახელმწიფო უნივერსიტეტის ბუნების მეცნიერების ფაკულტეტი

საქართველოს სახელმწიფო უნივერსიტეტი

№ 4.

1917 წ.



უჩინებელი იესო და იოანე.

558  
567  
F-5814

საქართველოს სახელმწიფო უნივერსიტეტი  
ბუნების მეცნიერების ფაკულტეტი  
თბილისი

საქართველოს სახელმწიფო უნივერსიტეტი  
ბუნების მეცნიერების ფაკულტეტი

საქართველოს სახელმწიფო უნივერსიტეტი  
ბუნების მეცნიერების ფაკულტეტი



## შ ი ნ ა ა რ ს ი

- I—ყრმები იესო და იოანე,—სურათი ..... 1
- II—გაზაფხულის სიმღერა,—ლეჟი დ. კლაიზმაშვილისა.... 3
- III—შვილობით იავ,—ცქვატასა..... 4
- IV—ხელოვნების ქურუმი,—დ. კადასინაძისა ..... 12
- V—ნოშრევან მეფე ღ მისი ოცი ვაჟი,—ხალხური ზღაპარი  
(დასასრული) ვალექსილი გ. თქმასხვეჯისა..... 24
- VI—შავ ტუანეტას შვილობილი,—მოთხრობა ჯემისო-  
ნისა, (შემდეგი) თარგმანი დათიკო ანთაძისა..... 37
- VII—ძველი რუსეთი და რევოლიუცია,—გ. კატკტიშვილისა. 58



## გაზაფხულის სიმღერა



არალო, ჰარი-ჰარალო,  
ჩემო მზეო და მთეარეო;  
აპრილე სხივები,  
შეპღებე არე-მარეო.

ია, ვარდი და სოსანი  
ფერხულს აბამენ ბაღში  
მერცხლების ისმის ზეკი  
ვერცხლით შექვდალთ ცაშია.

ჰარალო, ჰარი-ჰარალო,  
წყარომაც მოიღობინაო;  
თვისი აღმასი მძივები  
მზის სხივზე ააბზინაო.

მდინარეებმა შეისხნეს  
ბორკილი ყინულისაო;  
მალღით დაეშენენ მინდორზე,  
დაღარეს მკერდი ტყისაო.

ჰარალო, ჰარი-ჰარალო,  
გღეხნო, გამოდით გარეთა,



გასწიეთ მინდვრებისაქენ,  
 ორლომე ჩაიარეთა.

იქა ბიბინებს ჯეჯილი,  
 მსწრაფლ გაგიხარებთ გულსაო;  
 ბლომად გპირდებათ, იცოდეთ,  
 ზამთრისთვის კირნახულსაო.


ჰარალო, ჰარი-ჰარალო,  
 მეხრევ, შენც ადექ, გელიო!  
 ჩაიცივი კობტა პაიკი,  
 სახრეს მოჰკიდე ხელიო.

ბოსლის კარები გააღე, —  
 გიციდის ძროხა და ხარო;  
 ვანოსაც უთხარ, წაახხს  
 მთაზე სამოვრად ცხვარიო.

ჰარალო, ჰარი-ჰარალო,  
 ჩემო მზეო და მთვარეო.  
 ააპრიალე სხივები,  
 შეჰტლებე არე-მარეო.

ია, ვარდი და სოსანი  
 ფერხულს აბამენ ბალშია;  
 მერცხლების ისმის ჰიკჰიკი  
 ვერცხლით შეჰქედილ ცაშია!..

დ. კლითაშვილი





## მშვიდობით, იაჟ ლამაზო!



ადექ, დადექ, თუ ბიკი ხარ, შე არამზადა, შე კუზპარა შენა!..

— დაიკით, ნუ გაუშვებთ, ყველაფერი მაგისი ბრაღია...

— აბა მომყევით, ბიჭებო, და თუ მაგისი ბრაღია, მე უჩვენებ მაგას სეირსა... კყივ, კყივ!—

კუიოდნენ გულმოსული ბელურები თეთრად გათოთქილ ალუბლის ხეზე და თან ისეთი ალიაქათი, ისეთი დაეიდარაბა და ქოჩრის გლეჯა ჰქონდათ გამართული, იტყოდით—მეორედ მოსვლაო.

— იმდენი დღე დავაკლდეს, შენ ეი, ფეხ-მოგრეხილო, რაც მე ცუდი არა მითქვამს იმის მეტი, რომ მე იმას არ შევირთავ-მეთქი, არა და არა!—გაიძახოდა ხმა-მალლა ერთი ლამაზი ბელურა და თან რაც ძალა და ღონე ჰქონდა ხშირ ფოთლებში ძვრებოდა, რომ პრავალ მხრივ ხმლებივით მისეულ ნისკარტისათვის დაბუა თავი როგორმე მოგრიდებინა.

— აი შე ლაწირაკო, თავის მართლებასაც რომ ჰხედავს, ერთი ზუყურეთ მაგასა!

ახლა კი ძლიერ გაწიწმატდა ერთი მოკამათე ბელურა, —დაჰკა მაგასაო! —დაიძახა, გაცხარებული ეძგერა და გაიმართა ხელ-ჩართული ბრძოლა. უნდა ვითხრათ, რომ თუმცა დაბუა იმოდენა მტრებში მარტოდ-მარტო იყო, მაგრამ ისე შედგრაღ

იბრძოდა, ისე თამამად იცავდა თავსა, რომ ყველა ფრინველები და მეტადრე ქვემოლ გალადანებული ბოსტნეულობა განცვიფრებული დარჩნენ.

— თქვენი კირიმი, რა ყოფილა ეგ ლაბუა, რა დევ-გმირი დაჰბადებია თავის დედასა, ახ, ახ, ახ. — წიკვინა ხმით გაჰკიოდა ახლად ამოსული ქონდარი და თან ისე გაშმაგებით უკრავდა ტაშს, რომ იქაურობას აყრუებდა.

— აი, დედასა, მართლა რა სამეფო ბიჭია, ვენაცვალე მაგის ვაჟაკობას. ნეტავ ერთი თვალი მომკრას და დაინახოს, რა ძლიერ მიხაროან, რომ მარტოკაა და ასეთ გმირობას კი იჩენს... ხედავ, მაგისი მზერით ერთი საუკუნის სიცოცხლე მომემბატა... თავს გავწირავდი მაგისთვის, დილის ცვარს ვფიცავ! — აღფრთოვანებული ეტიტინებოდა ნაზი, ცისფერ თვალი ყვავილი იქვე ბოსტნის კვლებ შუა ამოსულ ხაქმაქიქა ბალახს, თან მეტი გრძნობით ისე მოზღენილად ირხეოდა, თითქოს ცეკვავსო.

შეორე კელიდან კი სულ სხვა გვარი წიოკობა მოისმოდა.

— დახე მაგ ნისკარტ-გასახმობს, მანდაც როგორ ყოყლოაინობს!.. ეგ არ იყო ეგ ქოჩორ აბუძგული. რომ იმ დღეს გვერდები მთლად გამიწიწქანა?!.. იგემა, ბატონო, ჩემი ახალგაზდა, ნორჩი ფოთლები და ისეთი შავი დღე დამაყენა, ისე დამიქხავა გვერდები, რომ დღესაც აღარ ვარგივარ... ამა თქვენ იცით, ბიჭებო! დაჰკათ, დაჰკათ მაგ შეჩვენებულს, ცხვირბირიდან სულ სისხლი აღინეთ, რომ პატარა კკუა ისწავლოს და ერთი კარგად იგემოს — დაჩაგვრა რა კაკაც არის! — გაჰკიოდა გაბრაზებული წიწმბი და თან ბოლოკს უჩინხვირებდა:

— შენ რა ხმა ჩაგიციებია?! გუშინ ძლიერ უჩიოდი — ფესვებამდინ გამიწიწქანაო, და ახლა, როცა მტერს გვაშორებენ, ხმასაც არ იღებ?! მარტო ბოსტანში გაქვს განა დიდი გული, რომ ერთი სიგიჟე თუ წამოგივლის — ლამის აგვეყარო



ხოლმე აქედან!..—ჯავრობდა წიწმატი, თან ალუბლის ხეს ახედავდა და ისედაც გალომებულ ჩიორებებს ასე შესძახოდა:

— დაჰკათ, დაჰკათ, თქვენი ქირიმე, ერთი მაგისი ჯავრი კი ამომაყრევივით და მერე გინდა მეც მიმსხვერპლეთ.

მაგრამ ბელურებს წაქეზება აღარ უნდოდათ. იმ წამს ისე იყვნენ გააფთრებულნი, ისეთი ცივილ-ხივილი გაუდიოდათ, რომ ერთმანეთისა აღარა ესმოდათ-რა. მეტადრე მოთმინების ფილა მაშინ აიესო, როდესაც შეუპოვარმა ლაბუამ ერთ საცემრად გამზადებულ მაყარს მარდად თავი ააქუნა, ზემო ტოტზე აფრინდა, ნისკარტი ალმაცერად მოიმარჯვა და თავში ისეთი ჩაუკაკუნა, რომ მაყარი ქყვილით განზე გაუხტა. შემდეგ გამარჯვებულმა ლაბუამ ერთ ბოლოგრძელა ჩიტს მიმართა, რომელიც ყველაზე მაღლა შემჯდარიყო და მოუსვენრად ერთსა და იმავეს გაიძახოდა:

— რა მიყო, თქვენი ქირიმე, ოჯახი რაზე დამინგრია, თავზე ლაფი რისთვის დამასხა, გვარეულობა რად შემირცხვი-ნა: განა ეს ევატიებო!

— ტყუილად ცხარობ, ზაქარია. მე გელაპარაკები—შენი ქალის შემრთველი არა ვარ-მეთქი. განა საქმე მოტყუებასა და ძალმომჯობაშია? თვალბისტიანი ქალი რომ შემომატყუე, განა ჯვრის დამწერი ვარ?! გინდა მთელი საჩიტეთი მომისიეთ, მაინც მახინჯს არ შევირთავ... მე სილამაზე მიყვარს და იმისთვის კიდევ მოვკვდები!...

ამ სიტყვებით ლაბუა ჩიტმა დრო იხელთა, ერთი დაიფთხბრიალა და როგორც ისარი—წისქვილისაკენ ისე გაქანდა. თან იმოდენა ნათესაობა ჩხუბითა და დავიდარებით უკან გამოედევნა. ჩამორჩნენ მხოლოდ ბუმბულ-აბუძგული ტარასტა ონისიმე და მისი მსუნაგი მუდღე ქინქლი-ყლაპია, რომელსაც ძლიერ უხაროდა—გაურჯელად ქორწილში ერთი კარგად გამოვძღვებო; მაგრამ რაკი ქორწილი დაიშალა, ისიც იქვე ვაშლის ხეზე შეგდა და გაბუტულმა საძილედ თავი ჩაქინდრა.



იკაურობა მთლად მიყრუედა, მხოლოდ შორიდან ბელურების ჭყვილი ყრუდ მოისმრდა და იმისაც ნიაფი მალე შორს მიაქანებდა.

კოტა ხნის სიჩუმის შემდეგ ლობიდან ვილაყას დაკავებული ტირილი მოისმა. ის ვილაყ იყო, ისეთი გრძნობით ტიროდა, რომ იქვე ლობის ძირას უკვე ფერ-წასულ და გახუნებულ იას გულმა ველარ მოუთმინა, ლობესაკენ აიხედა და დაინახა, რომ ზაქარიას გაწბილებული საპატარძლო ქალი საცოდავად შობუხული ლობეში შიგნი-შიგან შემძვრალიყო, ყელიდან სამკაული ჩამოგლიჯა და საპატარძლო მორთულობაზე მდულარებას აფრქვევდა. გახუნებულმა იამ მწუხარების ნიშნად თავი ოდნავ გააქნია, ორიოდ ცრემლიც თვალებიდან აღმასივით გადმოაპნია და შემდეგ ბელურას წყნარად მიმართა:

— რა გატირებს, ქაჯან! ულამაზობაზე დაგიწუნეს და ეგა გწყინს, განა? ტყუილად გულს ნუ გაიტებს, ჩემო დაო: მე შენ გარწმუნებ—არც სილამაზე ყოფილა ბედნიერების წყარო. ყველაფერი ამაო ყოფილა ამ ქვეყანაზე. აბა ერთი შემომხედე, დამინახე და მერე გაიგებ—შენ უფრო უბედური ხარ თუ მე. შენ თუ თავის დღეში იმედი არაფრისა არა გქონია, მე, გუშინდელი ქვეყნის სათაყვანებელი, დღეს ხედავ—ყველასაგან მიტოვებული, საცაა მარტოდ მარტო სულს დაველევ. სიკვდილის წინ მანუკეშებელი არავინ მეყოლება და სიკვდილის შემდეგ კი—თვალების დამხუჭავი.

ამაო ყოფილა, ამაო ეს სილამაზეც: სანამა ხარ, თავს გებევეიან, მერე კი ქვას მოგაგდებენ და ვილა გკითხავს საგულეში გული ისევ მძლავრად გიცემს, შენც გიყვარს ვინმე, თუ სადმე ძალლი გდიხარ... აბა რა ვითხრა, თავშემოგველე, რომელი ერთი მოგიყვებ და რითი გამოვთქვა ეს ჩემი მწუხარება? ან განა აუტანელი უბედურება არ არის, რომ ჯერ გუშინ, როცა მზეს კიდევ ერთი პირი ძილი აკლდა, მოუსვენარი გპირები აბჯარ-ასხმულნი თავს მებევოდნენ, ფეხთ-

მიკოცნიდნენ, ქვეყნის ამბავს საოცნებო ღიღინით მითხრობდნენ, ღღეს კი... აგერ, აგერ, ხედავ იმ ფუტკარს, აგერ მარცხნივ არჯაკელასკენ რომ შეუხვია და კეკლუც შროშანას რომ სიმღერით ეწვია?... ჰო, სწორედ ეგ ვაებატონი ამ სამი ღღის წინაღ ჩემმა სინაზემ ისე მოხაბლა, რომ მზის ჩასვლამდე შორი-ახლო დამტრიალებდა, თავ-განწირვით ათას ჰანგებით ქებას მიძღვნიდა, კიდეც სტროდა მეტი აღრთოვანებით, მაგრამ ხედავ ახლა, ფერ წასულს და გახუნებულს ერთხელ აღარც კი მომხედა. იმ ღღეს, რაკი სკაში არ შესულა და არაფერი შეუტანია, სკიდან თურმე გამოაგდეს და მეორე ღღეს ის ამ შემთხვევას ჩემი გულისთვის დიდ ბედნიერებად აღიარებდა, ღღეს კი... ღღეს—დაინახე გვერდზე გავლის დროს ცხვირი როგორ ამარბდა?!

ეჰ, ჩემო დაო, ასეთი ყოფილა წუთი-სოფელი. „ღღესა ხარ, ხვალ აღარ იქნებიო“, ტყუილად კი არ მღეროდა იმ ღღეს ტყემლიდან ცელქი მხეწვია. მაგრამ განა მარტო მე ვარ ამ ყოფაში? აბა ვაზებთან აიმ ყაყაჩოს ვახედე! ეგ რომ პირველად წითელ ფარჩის კაბით გამოიქიმა, ამ ვენახის ყველა მწერები ისეთ სიხარულში იყვნენ და მის გარშემო ისეთ ფერხულს უვლიდნენ, გეგონებოდა—ეგ დიდებული მზე იყო, და ისინი კი—ვარსკვლავებიო... ახლა კი ხედავ, თავი უბედურ ქაჩალივით მოსტვლებია და მარტოდ მარტო უპატრონო წამოყუნტულა. კუტი და მახინჯი კალია რა არის, ისიც კი ზედ არ უყურებს. ნუ, ქაჯან, ნურც აგრე გაიტებ მაგ გულსა: ქვეყანა თურმე ეგრე ტრიალებს... აკი გეუბნები, ის უფრო ძნელი არ არის, რომ გუშინდელ სათაყვანებელს ღღეს ქვასა და ლოდს გესროდნენ?!

აი, დედასა, წინაღვე უნდა მკოდნოდა, რომ გაფურჩქენის ღღეს, როდესაც ჩემი სინაზით და სილამაზით გარშემო ყველა სტკებოდა—გულს მახვილი დამეცა და სილამაზით და ძლიერებით საესეს სული მაშინ დამელია, რომ ჩემი სახსენებელი და ჩემივე მშვენიერება ქვეყნად სამუდამო ზღაპრად

დარჩენილიყო. ახლა რაღას ჰგავს ეს ჩემი უძლური და უღამაზო ყოფნა, ქვეყნის მეტ-ბარგად ვარ დატოვებული და იმას-ღა ველი, როდის ამოძივა ეს გამწარებული სული!..

ია გაჩუმდა და მეტი გრძნობით ისე გაიკრიცა, თითქოს სულსა ლევსო.

ბელურა ბარემ სიტყვის ამოღებას არ აპირებდა, მაგრამ იას რომ გადმოხედა და ფერ-წასულ და მწუხარებით თავდაბრილს თვალი რომ მოჰკრა, ახლა თავის მხრივ იის გასამხნევებლად რაც გულს ედო, წრფელად მოუყვა:

— მადლობა ღმერთსა! ვენაცვალე მის მოწყალებას, რომ ქვეყნად სიკვდილი მოგვივლინა. ერთად ერთი ჩემი მხსნელი, ჩემი პატრონი ის არის, ის ამომშლის დედა მიწის ზურგიდან; ის გაანადგურებს ჩემ სიმახინჯეს და ამ ჩემ გრძნობა-სიყვარულს. — რადგან განა მარტო დაბუას უყვარდა სილამაზე... არა, არა — მეც ძლიერ მიყვარს ამ ქვეყნის შრავალფეროვანი მშვენიერება — მიყვარს, ისე ძლიერ მიყვარს, რომ ლამის დამახრჩოს ამ გამოუთქმელმა სიყვარულმა. მაგრამ რა ვქნა, რომ იგივე ქვეყანა სიმახინჯეს არ ითვისებს! ან განა მე დაბუას ცოლობას გულში როდისმე გავიტარებდი, მაგრამ ეს სულ მამა-ჩემის და ბიძა-ჩემის ბრალია; ჩემ ხეწწასაც ყური არ უგდეს, და მადლობა ღმერთს, რომ ეს ასე მოხდა. ვინც რის ღირსია — დეე მან ის მოიპოვოს... მე კი სიკვდილამდე მაინც ყველა მეყვარება, მანამდისინ ამითი ვისულდგმულე...

აღბად ეს ყველა მახინჯთა ხვედრია: გამოუთქმელად ყველა უყვარდეს, ყველასა გრძნობდეს, ყველას ხედავდეს და იმ სიმდიდრით, რაც მას ზღვასავით გულში უტრიალებდეს, იმითი სულს იბრუნებდეს. მერე კიდევ... ან მე და შენ განა რა შესადარებელნი ვართ! შენ ის დრო მაინც შეგრჩა, გული იმითი მაინც იჯერე, რომ შევენებით სავსე არსებად შენი წრფელი აღტაცება თამამად და გულახდილად მათთან აღიარე, პირდაპირ მათ გაუზიარე და მით შენ გულს შეება მოჰფინე... მე კი, ერთი მითხარ, ყურს ვინ დამიგ-




დებდა, როდესაც ყველა თვალს მარიდებდა. რის თქმაც უნდა მდომოდა, ვერას ვიტყვოდი, რადგან თუ ვინმე პირს არ მამარიდებდა, ისეთი შებრალების თვალით შემომხედავდა, რომ ათჯერ სიკვდილი მერჩინა...

არა, არა! მე დღეის შემდეგ ამ ქვეყნად ვეღარ გავძლებ, შორს, შორს—მივიწყებულ ტყე-ღრეში გადავიკარგები და იქ მარტო სულს დავლევ. ბარემ წინაღვე მქონდა ასე გადაწყვეტილი, მაგრამ რაღაც მეჭიდებოდა და ნებას არ მიძლევდა. ახლა კი ვეღარ დავდგები!..

ამ სიტყვებით ბელურა ლობიდან გამოძვრა, იას წელი შეხებით ეამბორა და მადლობის ნიშნად კრემლები ზედ დააფრქვია; შემდეგ სოფლის ბოლოზე დიდ ქანდარზე შეჯდა, არე-მარეს ჯერ კი ჩემად უმზირა და შორიდან ჩიტების ხმაურობა რომ შემოესმა—გულ აჩუყებული ამ სიტყვებით გამოესალმა: მშვიდობით, მშვიდობით, ჩემო ძვირფასო მხარე, მშვიდობით, ლურჯო, მოკამკამე ცავე, ჩემო ლამაზო მინდვრებო, ჩემო ტკბილად მორაკრაკე ნაკადულო... მშვიდობით, ჩემო კერავ და ბუდე. ერთად ერთ სახსოვრად ღრმა სიყვარულს თან წავიყოლებ: მე ეს მეყოფა და ქვეყანასაც იმისთვის ვშორდები, რომ ჩემით გრძნობა არავის არ შეუღახო და არავის არ დაუშალო. მშვიდობით, ჩემო საყვარელო სამშობლო მხარე! მშვიდობით, იავ ლამაზო!..—დაათავა ბელურამ, რამდენიმე წუთით შემდეგ მიდამოს უხმოდ ისე უმზირა, თითქოს მის სახეს სამუდამოდ გულში იმარხავსო, ბოლოს ერთი კი დაიფთხრიალა და შორს მთებისკენ ლურჯ სიღრმეში უკვალოდ გაჰქა...

გარშემო ყველა დუმილს მოეცვა. მხოლოდ შორიდან ჩიტების ჟივილ-ხივილი და დავიდარაბა ყრუდ მოისმოდა. ქანდარზე კი ერთად ერთი ტოტი ნაღვლიანად ირხეოდა და თითქოს შორიდან მოსმენილ ხმაურობას უხმოდ პასუხს ის აძლევდა.

ნქობა



ს. ბ. ა.

საქართველოს ისტორიის ინსტიტუტის მიერ  
გამოცემულია.

## ხელოვნების ქურუმი

(ისტორიული მოთხრობა)

### I



საშუაღღევის გრილი ბორესი\*) უბერავდა აპენინის თეთრ-თმინ მთებრიდან, როღდესაც ქალაქ ფლორენციაში პოდესტას\*\*) სახლს მიადგა გაუბეღავად ცამეტი წლის ყმაწვილი. ნაკიან 1488 წლის ღღე იღვა და, ცრუმორ-წმუნე იტალიელთა რწმენით, იშვიათი რამ უნდა მომხდარიყო, თუმცა ჯერ არც გულბილწ და იქვიან მოქალაქეთა,

\*) ზრდილოეთის ქარი. \*\*) ქალაქის თავი, აგრეღვე მსაჯული იტალიაში.



არც ამაყ ფლორენციას არაფერი ცვლილება არ ეტყობოდა. ყმაწვილის არაჩვეულებრივ, ოთხკუთხ თავის ქალაში დატინებით მოძრაობდა რალაც აზრი, ხოლო მის პატარა, სევდიან, მქრალ თვალებში, სადაც წამდაუწუმ ჩნდებოდა ხან მოყვითაწო, ხან ცისფერი ლაქები, იჭვი გამოიხატებოდა. მისი შავი, თხელი თმები, აწეწილი და მალალ შუბლზე ოდნავ ხუჭუჭი, ერთსა და იმავე დროს ამხელდნენ კერზ ხასიათსა და გაუტანლობას. აღრე მოკლებულმა დედის ალერსსა და მოუსვენარ, დამთხვეულ, ხოლო დვთისმოყვარე მამის ხელში, მან უკვე განიცადა ცხოვრების სიმძიმე და სულის მარტოობა.

დღეს ყმაწვილმა სამუდამოდ მიანება თავი სკოლას, სადაც სიხარულით მხოლოდ ხატვასა სწავლობდა, მივიდა ფლორენციის შესანიშნავ მხატვარ გირლანდაოსთან და სთხოვა მიეღო შეგირდად. ოსტატმა თანხმობა განაცხადა, ხოლო პირობად დაუდო მამის სურვილი. სწორედ ეს კითხვა აწუხებდა ყმაწვილს. მამა მისს მოჰქონდა თავი კეთილშობილ შთამომავლობით და არა მსურდა შვილი მხატვარი გამოსულიყო. არ უთმობდა შვილიც: წინააღმდეგობით არა ერთხელ გამოუწვევია მამის რისხვა, ცემაც კი. მამას აქებებდნენ ძმები, რომელთაც სასირცხოდ მიაჩნდათ, რომ მათ ოჯახში მხატვარი იქნებოდა.

— მოდი, მიქელ ანჯელო, მოდი, მითხარი, რატ სთქმელი გაქვს! გამჩნევ უზომოდ მოხრილ წარბებზე, რომ რალაც ცოდვა ჩაგიდენია!

— სკოლას გამოვეთხოვე სამუდამოდ და მხატვარს მივებარე!— იყო მოკლე, გაბედული პასუხი, თუმცა კარგად იცოდა მთქმელმა, რომ იაფად არ დაუჯდებოდა ასეთი გულადი საქციელი.

— კიდევ, ახალი ამბავი! ძიძის რძემ აგლაპარაკა ასე! წყეულ იყოს ის დღე, როდესაც ქვისმთელის ოჯახიდან ძიძა მოგიჩინე!— მრისხანედ დაიწყო მამამ, მაგრამ მოულოდ-

ნელად, პატარა ყოყმანის შემდეგ შეიღს აღერსით მიუბრუნ-  
და:

— კარგი იყოს ნება უფლისა! მან გაჩუქა სიცოცხლე, როდესაც ფეხშიმე დედაშენი ცხენმა ათრია, მასვე დაუბრუნე იგი, მისდამი სამსახურს შესწირე თავი!

ასე აღსრულდა მიქელ ანჯელოს ნატვრა... გავიდა ხანი, და მასთან ერთად დავიწყებას მიეცა მძიმე დრო ყმაწვილობისა. მიქელ ანჯელო შეიქნა მშვენიერების ძლიერ ქურუმად, ხოლო არ ასცდა იგი ტანჯვას, რომელიც დაბადებითვე შუბლზე ეწერა, არ ასცდა ტანჯვით შრომას, რომლისაგან ხსნა მხოლოდ საუკუნო განსვენებაა.

## II

1504 წ. მაისის შუაღლე იყო, როდესაც იისა და ვარდის სუნით გაედენთილ ფლორენციაში სინიორიის \*) სასახლის წინ აღიმართა „დავითის“ მარმარილოს აღალმა, ქეშმარიტად უმაღლესი ნაყოფი ხელოვნებისა, რომელსაც სცემს ქარი და თავს ეხვევა ღრუბელი; ერთად-ერთი მწვერვალი, სადაც თავისუფლად და ღრმადა ჰსუნთქავს ადამიანი ყოველსიბილწისაგან განმბანილ წმინდა ჰაერს. მას გარს არტყია დარაჯთა რაზმი, რადგან უბრალო ხალხს მიაჩნია იგი ნამდვილ მეომრად, რომელიც თამამად უცქერის თვალში მტერს და შურდულით ხელში საომრად იწვევს კაცობრიობას: აქვე არიან აღალმის შემომქმედი მიქელ ანჯელო და აღალმის შემკვეთი გონფალონიერი\*\*) პეტრე სოდერინი, რომელსაც სწყურია უჩვენოს ხელოვანს თავისი გემოვნება და ცოდნა.

— რას იტყვით? მგონია, რომ სახესთან შედარებით ცვირი სქელი აქვს აღალმას! — ეუბნება თავმომწონედ ხელოვანს.

\*) სამთავრო საბჭო ფლორენციაში, სადაც იკრიბებოდნენ ამქართა წარმომადგენელი და ჯარის მთავარ-სარდალი.

\*\*) იტალიელ რესპუბლიკათა ჯარის მთავარ-სარდალი.



— ადვილია გასასწორებელია! — უპასუხებს ლიმილით მიქელ ანჯელო, ადის ხარაჩოებზე, მიაქვს თან საქრელი ყალბი და მცირეოდენი მარმარილოს მტვერი: ამოძრავებს ყალბს ოდნავ, ხოლო ისე, რომ ცხვირს არ მიეკაროს, აბნევს ნელ-ნელა მტვერს და ამის შემდეგ ეკითხება:

— ახლა როგორ გეჩვენებათ?

— ახლა მეტად მომწონს; თქვენ მას სიცოცხლე შესძინეთ!

ასეთ წვრილფეხა საზოგადოებას გამოუქანდაკა დიადმა მიქელ ანჯელომ მწყემსი „დავითი“ უზარ-მაზარ მარმარილოს ქვიდან, გამოუქანდაკა თითქოს უზნის ჯოხის ქნევით, ნამდვილად კი შესწირა მას სულის და ხორცის სიმთვლე.

### III

განვლო წელმა... ოქროს-ქოჩრიანი აპოლონის მხიარულად უვლიდა იტალიის ფირუზ ცის გუმბათს და ათამაშებდა სხივებს კარარის ნახ მარმარილოს კლდეებზე. უშიშარი იტალიელი მეზღვაურნი ტკბილ ბარკაროლების \*) მღერით გასცქეროდნენ გაშტერებულნი შორს კარარის ერთ მაღალ მთას, რომელიც ამაყად დაჰყურებდა მთელ არემარეს. თვალებს იფშენებდნენ, ერთმანეთს შეჰყურებდნენ და თვალს არ უჯერებდნენ: მაღლა, ცას მიბჯენილი უზარმაზარი კოლოსი იდგა. ეს არაჩვეულებრივი დევიო, რომელსაც შეუძლია დაიპყრას ადვილად მთელი დედამიწა, ქონდრის კაცებით დასახლებული; მაგრამ, საბედნიეროდ, დევი შებოქვილია, მის ხელ-ფეხზე რკინის ბორკილია, და შეკრულ წარბებზე ეტყობა მგზნებარე მრისხანება.

გაჰქრა... ეს მხოლოდ მოჩვენება იყო, ძლიერი, ხორც-შესხმული ოცნება ადამიანისა. მართლაც, მთის წინ გაქვევებულივით ვილაც ცხენოსანი მგზავრი იდგა. დაბალი ტანისა,

\*) იტალიელ მენავეთა სიმღერები.



მხარ-ბეჭიანი, წელში მოხრილი, თხელი წვერითა ჩაცვი-  
 ნულ ლოყებზე, ოდნავ გამოშვერილ ჭვემო ტუჩითა, რო-  
 მელზედაც მკისე სიამაყე გამოიხატებოდა, ტანჯვის გამომსა-  
 ხველ ნაოქებით ულამაზო პირის გარშემო, — ეს იყო ამ ოც-  
 ნების შემოქმედი, ოცდა ათის წლის მიქელ ანჯელო, და  
 ოცნება თვისი შეჰქმნა აქ, როდესაც აჭრევიებდა მარმარი-  
 ლოს იულიუს პაპის სახელის სადიდებლად. ეს ოცნება მი-  
 ქელ ანჯელოს მდულარე ტვინისა, მისი ტიტინიურ ძალის  
 ქმნილება იყო.

#### IV

— ტკბილო იესო, შემიწყალე! ტკბილო იესო, შემიწყ-  
 ყალე! — გაიძახოდა ცრემლებით მოხუცი კამპანიელი სოფლე-  
 ლი, რომელიც კარგა ხანია არ ყოფილა რომში და შევიდა  
 პეტრეს ბაზილიკაში \*) სალოკავად. დაცემულ და შერცხვე-  
 ნილ იქმნა ძველი ტაძარი, რომლის თვით ათასწლოვანი კედ-  
 ლებიც კი, აშენებულნი მოციქულთა სწორ კონსტანტინეს  
 დროს, ლოცვის სურვილს უღვიძებდნენ ადამიანს: მტვერი,  
 ხარაჩოები, კირის, ლორღის და ქვის გროვები არეულ იყვ-  
 ნენ პორფირის სვეტების ნატეხებში და ქრისტეს ეკლესიის  
 ძველ წმიდათა ნაშთებში. ესა ჰხდებოდა პაპის იულიუს მეო-  
 რეს ბრძანებით: საძირკველს უყრიდნენ ახალ ტაძარს; სჩანს,  
 ძველში ლოცვა აღარ აღწევდა ღმერთამდის.

ტაძრის მოედანიც არ იყო, კარგ მდგომარეობაში: გე-  
 გონებოდა, ეს არის ახლა მოხდა ძლიერი მიწის ძვრა და  
 უშველებელი შენობა მარმარილოს ბელტების გროვად აქცია.  
 ეს ბელტები კარარის ღვიძლი შვილები იყვნენ და მზის  
 სხივებზე ისე საუცხოოდ ბრწყინავდნენ, რომ ადამიანი თვალს  
 ვერ გაუსწორებდა. გროვა ზღაპრულად იზრდებოდა, არა თუ  
 დღეობით, საათობით, და ეს არავის საკვირველად არ მიაჩნ-

\*) ძველი ქრისტიანული უგუმბათო ეკლესია.

და, რადგან მარმარილოს აზიდვინებდა მიქელ ანჯელო, რომელიც მცირეთი არ კმაყოფილდებოდა და მზად იყო მთელი კარარა გადმოეტანა რომში. დილიდან სალამომდის მოისმოდა დატვირთულ ტტლების თვლების კრიალი, და მისთან ერთად გაისმოდა თამაშის ხმა და ცნობის მოყვარე რომაელთა განგაში.

— თურმე, ნუ იტყვი, იულიუსს მიუნდვია მიქელ-ანჯელოსათვის მატურის აგება, სამსართულიანისა! გაგიგონიათ? ისეთისა, რომ თვით ფარაონთა აკლდამებს არ ჩამოუვარდეს!— იძახის პირველი მოქალაქე.

— ეგ კიდევ არაფერია! თურმე მას დაამშვენებს უზარმაზარი მიწის ქალ-ღმერთი კიბელა, რომელიც დასტირის პაპის სიკვდილს!— ამბობს მეორე.

— რას მოვესწარიო!— ქრისტიანის საჭლავს წარმართთა ქალ-ღმერთი დაამშვენებს!— იძახის ერთად რამდენიმე რომაელი.

— მეორე მხრიდან კი კუბოს მოუდგება ცის მეფე ურანია, რომელიც იდღესასწაულებს პაპის უკეთესს ქვეყანაში გადასახლებას!

— ღმერთო, გვიხსენ! ქრისტეს მოადგილეს ძველი წარმართთა ხელშია!

— ეგეც უბრალოა, აკლდამის დაამშვენებს ორმოცზე მეტი აღალმა, და მათ შორის აღიმართება წინასწარმეტყველი მოსე რქებით, როგორც შესაზარი ორ-რქიანი სატანა!

— წმიდაო ღმერთო! ასეთი სიმდიდრე აკლდამის იმ ღმერთის მსახურისა, რომელიც, გლახაკივით, ჩალაზე დაიბადა, მწყემსთა თავშესაფარში, რათა უქადაგოს კაცობრიობას სიყვარული ღარიბთა მიმართ.— ღმერთო, გვიხსენ! ღმერთო, გვიხსენ!— ამბობენ შეგროვილნი და შეწუხებულნი ნელ-ნელა დაიშლებიან, რათა ხვალაც შეგროვდნენ და ხელ-ახლად გააბან სისხლის ამღვრევი ღაპარაკი.

## V

პაპის სასტუმრო ოთახში ქექა-ქუხილის წინასწარი სიჩუმე სუფევდა. თითქოს გაქვავებულიყვნენ ძვირფასი ფლანდრიის ხალები წარმართთა საზღაპრო სურათებით და გაცეზულნი შესტკეროდნენ ძველ კედლებზე ოქროთი დაფერილ მხატვრობას, რომელმაც უკვდავება მიანიჭა დარბაზის მოღუშულ თაღებს. თითქოს ამათაც სჯეროდათ ის ზღაპარი, რომელმაც დააფიქრა იულიუს პაპი

თავდაღუნული, წელში მოხრილი იჯდა სავარძელში მოხუცი, ქრისტეს თვისნება მოადგილე. თუმცა მისი თეთრი წვერი, გამხმარი და შკრთალი ხელები მოახლოებულ სიკვდილს მოგაგონებდნენ, იგი მაინც გულს არ იტებდა. თითქვებდა სისხლის ფერი ლალი უმშვევნებდა, ტიტველა თავის ქალას, სადაც უცნაურად იხლართებოდა მრავალი შეუკავშირებელი აზრი, ჰფარავდა სისხლის ფერი ხავერდის სკუფია. თვალებს, რომლებშიაც დროს ჯერ ცეცხლი არ ჩაექრო, გადმოჰკიდებოდნენ შეკრული წარბები. ჩაცვივულ ლოყებზე ავადმყოფობას დაეჩნია ღრმა კვალი.

— მაშ იძახი, ეს ცუდი ნიშანიაო? — როგორც იყო გამოერკვია პაპი და მიჰმართა აქვე უჩუმრად მდგომ საყვარელ ხუროთ მოძღვარ ბრამანტეს, რომლის ცოცხალ თვალებში მაყურებელი სიხარულს ამოიკითხავდა. ცბიერი, თან ნიჭიერი და ქკვიანი ბრამანტე კარგადა ჰგრძნობდა მიქელ ანჯელოს უძლეველ ძალას და არაფითარ საშუალებას არ ერიდებოდა, რათა მოეშორებინა თავიდან საშიშარი მოცილე. თუმცა ბრწყინვალედ, კარის კაცივით, ეპირა თავი, მაინც ბოლოს დროს მის გულის სიმტკიცეს საძირკველი შეერყა, და ამის მიზეზი იყო იულიუსის მომავალი აკლდამა, რომლის შვენებას უნდა დაეჩრდილა ყველა აქამდე არსებული დიადი ძეგლი. ცრუმორწმუნე იყო პაპი, ამიტომ შეაშინა ბრამანტეს სიტყვებმა.

— თქვენო უწმიდესობავ! მოგვხსენებათ: „ხმა ერისა-  
ხმა ლეთისაო!“!

— რა გინდა ამით სთქვა?— მოუთმენლად ჩამოართვა სი-  
ტყვა პაპიმ და უფრო მეტად გაახილა თვალები, თუმცა ჩვეუ-  
ლებრივად თვალ-დახუჭული უსმენდა მოლაპარაკეს.

— ერი ამბობს, სიცოცხლის დროს საკუთარი აკლდამის  
აგება ცუდი ნიშანიაო!

— ცუდი ნიშანია, ცუდი? მაინც რას მოასწავებს? სთქვი,  
რალას აპიანურებ!

— სიცოცხლის შემოკლებას, სიკვდილს!

— როგორ, სიკვდილს? მაშ კოცხლად მმარხავდა მე  
ფლორენციელი თვალთმაქცი!— განრისხებით წამოიყვირა  
იულიუსმა.

მაგრამ რა შუაში იყო ფლორენციელი თვალთმაქცი,  
როდესაც იგი აშენებდა აკლდამას წმიდა მამის სურვილით!

— ვერ მოგართვი, მკვლელიო! საკმაოდ ძლიერია ჯერ  
იულიუს პაპი, რომ სიცოცხლეს არ გამოასაღმოთ ასეთი სა-  
ზიზღარი საშუალებით! კმარა! ამიერიდან სამუდამოდ დამარ-  
ხულ იქმნა იულიუს პაპის აკლდამა!— სთქვა უკვე წყნარად,  
თუმცა მის თვალთა სიღრმეში სიცოცხლის უშრეტე წყურ-  
ვილი ამოიკითხებოდა. კმაყოფილი ბრამანტე ახლა მხოლოდ  
თავის გამარჯვების უკანასკნელ ნიშნებს ლა ელოდა და მალე  
ელირსა კიდევ.

— მომიახლოვდი, სასწაულთ-მომკმედო აღმშენებელიო!—  
უთხრა მოკლედ იულიუსმა, გადაეხვია და შუბლში აკოცა.

აღსრულდა: საშიშარი მოცილვე მოშორებულ იქმნა გზი-  
დან.

## VI

დადგა საბედისწერო ღღე, როდესაც უნდა გადაწყვეტი-  
ლიყო სამუდამოდ იულიუს პაპის აკლდამის სვე-ბედი. ხელო-

ვანის არაჩვეულებრივად მკრთალ სახეს უძილობამ კვალი დააჩნია. მხოლოდ მამლების ყივილის დროს მან მიანება თავი საყვარელ დანტეს კითხვას, მშვიდობის ერთადერთ წყაროს. დღეს მიქელ ანჯელოს უნდა გადაედგა უკანასკნელი ნაბიჯი, თუმცა იგი ნათლად ჰგრძნობდა, რომ საქმე სამწუხაროდ დასრულდებოდა. ხელოვანმა გაუსწორა ანგარიში მრავალ მენავეს, ქვის მთლელსა და მზიდავს თავის ჯიბიდან, რადგან იულიუსის ხაზინა მისთვის დიდი ხანია დაკეტილი იყო.

— მაპატიეთ, ბატონო! ვერ შეგიშვებთ: აკრძალული მაქვს, — მშვიდად სთქვა მეკარემ, როდესაც მიქელ ანჯელო მიადგა პაპის სასტუმრო ოთახს.

— როგორ უბედავ, ბრიყვო? არ იცნობ, ალბად, ბუნაროტის! — შესძახა მსახურს შემთხვევით აქვე მყოფმა ლუკას ეპისკოპოსმა. — განა არ იცი, რომ მესსერეს\*) ნება დათული აქვს ყოველთვის ინახულოს პაპი!

— მაპატიეთ, ბატონო! — გაიმეორა ბოდიში მსახურმა, — მე მხოლოდ მსახური ვარ, და ამიტომ მოვალეობად ვთვლი ავასრულო განუსჯელად ბრძანებელის ნება!

ეს სიტყვები რომ გაიგონა, მიქელ ანჯელო დაბრუნდა სახლში და მისწერა იულიუსს მოკლე წერილი:

„წმიდაო მამავ! დღეს დილით, თქვენი უწმინდესობის ბრძანებით, მე გაგდებულ ვიქმენ სასახლიდან. გაცნობებთ, რომ დღეიდან, თუ დაგპირდებით, შეგიძლიათ მომძებნოთ ყველგან, რომის გარდა“.

გაგზავნა რა წერილი, მიქელ ანჯელომ დაიბარა ორი ერთგული მსახური და უთხრა:

— გამონახეთ ებრაელი ვაჭარი, გაჰყიდეთ, რაც კი მოიპოვება ამ სახლში, და გამოეშურეთ ზემსკენ, ფლორენციაში!

სიტყვა მალე საქმედ იქცა. ორი საათის შემდეგ მიქელ ანჯელო, გულ-დათუთქული, უკვე რომს თავს ანებებდა; მზი-

\*) ბატონს.

ბლავი იყო პირველი ღიმილი უკვდავი ქალაქისა, ხოლო ძვირი გამოდგა იგი ხელოვანისათვის. აღერსიანად გამოიყურებოდა მარად ქაბუკი კამპანია თავისი აფერადებული გორაკებით. ბალახი ავრცელებდა ნექტარივით ტკბილ სუნსა; მაღლა ჰაერში მედიდურად დასცურავდნენ არწივები. მშვიდობა სუფევდა მიქელ ანჯელოს განმარტოებულ სულში. მაგრამ ეს მხოლოდ ტკბილი სიზმარი იყო: მას კვალ-და-კვალ მისდევდა ხუთი მღვარი პაპისა.

## VII

— პაპი თუ თურქი? — მწარედ იმეორებდა მრავალჯერ მიქელ ანჯელო. ეს კითხვა აწუხებდა მას შემდეგ, რაც დაბრუნდა სამშობლო ფლორენციაში. თუმცა პაპიმ გაუგზავნა ხელოვანს ზედი-ზედ სამუქარო წერილები, მაინც ვერაფერი გააწყო ჯიუტ ხელოვანთან. ხონთქარი პაპზე ძლიერია, ამიტომ სურვილებიც ძლიერი აქვს. მართალია, მაგრამ მის გულში ქრისტე არაა! რასაკვირველია, ცუდი არ არის რომის თავგასული ხუცესნი მშრალზე დაეტოვო, მაგრამ სამშობლოს რა პასუხი გავცე?

პაპი მზად იყო გალაშქრებულიყო ფლორენციაზე, რომელმაც მფარველობა აღმოუჩინა ხელოვანს და ამით შეურაცხყოფა მიაყენა ქრისტეს მოადგილეს. სწორედ ამათ ვასტება მისი სიკვრპე.

— ღმერთო, ღმერთო ძლიერო! წუ თუ დედამიწაზე თავისუფლება მხოლოდ ზღაპარია, და აუცილებელია მონობა ადამიანისა? ნუ თუ არა კმარა, რომ ადამიანი მონაა ხელოვნებისა, რომელმაც შთანთქა ჩემი სულიცა და ხორციც? ამიტომ სიკოცხლისა და ადამიანის მიმართ ზიზღით გავესო მიქელ ანჯელოს გული, როდესაც მფარველმა სოდერი-ნიმ მიჰმართა მას შემდეგი სიტყვებით:

— შენ მოექტევი პაპის ისე, როგორც არ მოექტეოდა მას თვით საფრანგეთის მეფე. გთხოვ აუცილებლად დაუბრუნ-



დე რომს, წმიდა მამას, რადგან შენი გულისათვის ჩემი შეგ  
 ძლებელია!

მაგრამ ეს თხოვნა უფრო ბრძანებასა ჰგავდა, ვინაიდან მიქელ ანჯელოს მორჩილებას სავალდებულოდა ჰხდიდა.

ცული დრო დაუდგა ბოლონიას 1506 წელს; იგი უკვე იულიუს პაპის საკუთრებას შეადგენდა. აქ გამოცხადდა მიქელ ანჯელოს, რომელიც უნდა ჰხლებოდა მეუფეს. იმ დროს, როდესაც ხელოვანი მიემართებოდა. სან-პეტრონიოს საკრებულოში წირვაზე, შემოეყარა პაპის მეგობრებს, უკანასკნელმა კი მიჰგვარა იულიუსს.

სადღესასწაულოდ გამოიყურებოდა დაბნელებული დარბაზი „თექვსმეტის სასახლეში“, სადაც იმყოფებოდა ძლივამოსილი ქრისტეს მოადგილე. გარს შემორტყმულს რაინდები თა და სპასალარებით, სრულიად დაჰვიწყებოდა მას სახარების მშვიდი მოძღვრება და შეეცვალა სისხლიან მახვილითა. პაპა იჯდა საზეიმო ხავერდის საჩრდილობელ ქვეშ, რომელზედაც ოქრომკერდით მოქარგული იყო მუხის ფოთლები და რკოები—იულიუსთა გვარის ნიშნებით.

—გაგონილა განა, რომ პაპა გეტბდეს შენ, და არა შენ-პაპას? —მიუბრუნდა განრისხებული იულიუსი მიქელ ანჯელოს და მოუქირა ძელის ყავარჯენს თავისი გამხმარი თითები.

—წმიდაო მამავ! გულკეთილად მაპატიეთ საქციელი, რომელიც ჩავიდინე, არა თუ ცბიერმა, არამედ შეურაცხყოფილმა, უსარგებლო ადამიანსავეით რომიდან გაძევებულმა კაცმა, —გარკვევით თქვა მუხლ-მოყრილმა მიქელ ანჯელომ მაღალის ხმით და პაპის თვალებში ცქერით, რადგან იცოდა, რომ ეს ესია მოვინება განრისხებულ მეუფეს. მაგრამ სინამდვილეში ამ წყნარ ბოდვის პასუხად. მას მოაგონდა მიქელ ანჯელოს წერილიდან სასტიკი სიტყვები: „შენ დაიჯერე სხვა-და-სხვა არაკები და ნაყბედი, დასაჩუქრე სიმართლის მტერი. ვიმედოვნებდი, რომ შენი სამართლიანი სასწორი და ძლიერი



მხვილი, და არა ყალბი გამოხმაურება, იქმნებოდნენ ჩემ ერთადერთ მსაჯულად. რაიცა შემეხება მე, შეგეთვისე ისე, როგორც მზეს—ნათელი სხივები.

უკანასკნელ სიტყვებთან ერთად იულიუსის სახე მზად იყო მოწმენდილიყო, თუმცა მტარვალი ჰგრძნობდა, რომ მიქელ ანჯელოს სიმძაფრე უფრო ნამდვილია, ვიდრე მისი წყნარი ბოდიში; მაგრამ ამ დროს პაპის ხანგრძლივი სიჩუმით, წარბშეკრული სახითა და ბებრულ პირის კუთხეების ღმეკით დაშინებულმა აქ მყოფმა ეპისკოპოსმა, რომელმაც იკისრა ხელოვანის დაცვა, წარმოსთქვა:

— თქვენო უწმიდესობავ! ნუ მიაქცევთ ყურადღებას მის სისულელეს: მან უმეცრების გამო შესცოდა. თვის ხელოვნების გარეშე ასეთია ყოველი ხელოვანი!

— უმეცარი შენა ხარ, სულელო! შენ შეურაცხვედ იგი ჩემზე მეტად; გამეცალე თავიდან. ჯოჯოხეთის კერძო!— შეჰყვირა განრისხებულმა იულიუსმა და მრისხანედ მოუქნია კვერთხი ეპისკოპოსს, რომელიც შიშისაგან გაქვავდა. როდესაც მსახურებმა გააბძანეს რეგვენი მცველი დარბაზიდან, ყველამ თავისუფლად ამოისუნთქა. იულიუსმა მიიაბლოვა მიქელ ანჯელო, მოწყალებით აკურთხა, აკოცა შუბლში და ჩუმად, რომ სხვებს არ გაეგონათ, უთხრა ყურში:

— ნურად მიიჩნევ იქვიანობას, როგორც მე არ მიმაჩნია არაფრად ცილის მწამებლები, და იცოდე, რომ ჩემზე მეტად არავის უყვარხარ. რომ მარტო არა ხარ, რადგან ჩემი სიყვარული შენდამი შენთანა არს მარად!

ასე მოხდა არაჩვეულებრივ აღამიანთა შერიგება, მაგრამ ძვირად დაუჯდა მიქელ ანჯელოს დროებითი მშვიდობა და იულიუსის წყალობა.

დავ. კაღალსნიძე

(დასასრული იქნება)







# ნაშროვან მეფე და მისი ოცი ვაჟი

(დასასრული\*)



ღვთაშობა დაიჯანყა,  
ცა შარავით დაიბურა.  
კობტამ ხალიჩა გაშალა,  
ქუდიც თავზე დაიხურა.

უთხრა: ხალიჩავ, აფრინდი,  
გაარღვიე ლამის ბინდი,  
ხელოსანთა სამეფოში  
წამიყვანე, გადაფრინდი.

\*) ახალ „საქალაქ“-ს მე-3 ნომერს 1917 წლას.



სამ დღე-და-ღამეს იფრინა,  
 გადიარა ბევრი მთები;  
 ერთ უცნაურ ქვეყანაში  
 შორს გამოჩნდა შენობები:

მაღალ-მაღალ სართულებში  
 პატრონები სეირნობდნენ,  
 იმათ ქვემოდ სარდაფებში  
 ხელოსნები მუშაობდნენ.

ჩარხები დაბზრიალებდნენ,  
 გუგუნებდნენ, გრიალებდნენ;  
 ნებიერები ერთობოდნენ,  
 თამაშობდნენ, სრიალებდნენ...

ხალიჩა ძირს ჩამოეშვა,  
 კოხტამ ნახა იქ მუშები;  
 ოსტატები მოეგებნენ  
 და მიართვეს ნიმუშები;

ყმაწვილმა მათ შეუკვეთა  
 უცნაური—გასაკვირი,  
 იმ საქმისა გაკეთება  
 ძნელი იყო, გასაკვირი...

სამი თვის ვადა დაუდეს,  
 ფასიც ბევრი აუწიეს;  
 ათას თუმნად გაურიგდნენ,—  
 ხათრი აღარ გაუწიეს...

დაჰყაბულდა. წამოვიდა  
კობტა ფულის საშოვნელად;  
ქუჩა-ქუჩა დადიოდა  
წყნარა-წყნარად, ნელა-ნელად...

სადაც ეწყო ბევრი ოქრო,  
ნაარმევი, წანართმევი;  
თავისუფლად შედიოდა,—  
ყველგან ჰქონდა გზა ნაკვლევი...

გამოჰქონდა. ღარიბებსა  
კითხულობდა, გაიგებდა;  
ნუგეშსა და იმ ფულს ერთად  
უნანელად არიგებდა...

სამ თვეს ასე იბუშავია,  
ბევრი ბნელი გაანათა,  
შემდეგ წარსდგა ხელოსნებთან,—  
შეკვეთილი დახვდა მზათა.

გასინჯა და მოიწონა;  
რაც დაჰპირდა,—დაუთვალა.  
მერმე თავისი ხალიჩა  
ჩვეულებრივ გადაშალა.

უთხრა:—აბა, შენებურად  
კვლავ ჰაერში ამიყვანე;  
ხელმეორედ საჩინეთში  
წამაბრძანე, წამიყვანე.

სამი ღამის შემდეგ დილით  
კობტა იყო წყაროს პირზე.  
ხალიჩაზე მოეკეცნა,—  
ტკბილად დამღეროდა სტვირზე:



წინ უდგა ორი ირემნი,  
 ხელოვნურად ნაკეთები;  
 ცოცხლებივით მოძრაობდნენ,  
 იყვნენ შეტად ლამაზები.

როცა საკრავს დაუკრავდა,—  
 ცეკვა-თამაშს დაიწყებდნენ;  
 გაკვირვებულ მაყურებლებს  
 თავის საქმეს ავიწყებდნენ...

გარშემო შემოეხვივნენ  
 მიმსვლელ-მომსვლელი ქალები;  
 უცნაურ საზანდარისთვის  
 ვერ მოეშორათ თვალები...

უშვებდნენ და უყურებდნენ,  
 ვერ ძღებოდნენ სიამითა;  
 ირმებისა თამაშობით  
 და იმ ვაჟის ტკბილი ხმითა.

უცებ მეფე მოაგონდათ:  
 —ვაი, ვაი, დინახავს!  
 ამ საამურ ყმაწვილ კაცსა  
 მოგვიკლავს და დაგვიმარხავს!..

ამ დროს მართლა აივანზე  
 გამობრძანდა მეფე-ქალი,  
 თვის სარკეში ჩაიხედა  
 და რაღაც ჯგუფს მოჰკრა თვალი:

მაშინათვე გამოგზავნა  
 მზევალი მათ დასაშლელად,  
 თან იმ ვილაც საზანდარის  
 შესაპრობლად, მისაგვრელად.

კოხტა გაჰყვა მოკრძალებით  
თავის ბარგი-ბარხანითა;  
მეფე-ქალი მიელოდა  
მას სახითა მრისხანითა.

მაგრამ ირმებს რომ დახედა,  
აკანკალდა მისი გული.  
ჰკითხა: — ეს რის ნიშანია?  
რად ხარ ეგრე დანადვლული?

მოახსენა: — ანგელოზო!  
ჩაგრული ვარ ბედისაგან,  
ჩემი თავგადასავალი  
არ ითქმება ენისაგან...

ქალმა ბრძანა: — დაჯექ, მითხარ,  
არაფერი არ დამალო!  
შენი დღენი დათლილია,  
შე საწყალო, შე საბრალო!...

— მეფე-ქალო, მოგახსენებ  
ამბავს, ძნელსა გასაგებად;  
გთხოვ, რადგანაც სიკვდილს ველი,  
თქვენთან დარჩეს აღსარებად:

— პირველად მე ბუნებამა  
ხარ-ირემად გამაჩინა;  
მაშინდელი ტკბილი დღენი  
ღმერთმა აღარ შემარჩინა...

ამხანაგად ფურ-ირემი  
მყავდა, სიყრმით შენამდენი;  
ქვეყნად ჩვენთვის ანათებდა  
ციცკარი და მზე სხივ-მფენი.



მოახსენა: ანკლოზოს ჩაგრული ვარ ბედისგანა.

ვთამაშობდით, ვნაეარდობდით,  
 ერთმანეთსა შევხაროდით;  
 თავისუფალ მწვანეებზე  
 დაეხტოდით და ვნეტარობდით...

ერთ დღეს ასე კმაყოფილთა  
 ჩვენ დაგვიდგა ავი დარი;  
 იმ დაბურულ უღრან ტყეში  
 ამოვარდა დიდი ქარი;

ვნახეთ: უცებ ორნი კაცნი  
 გამოგვიდგნენ დასაქერად,  
 დამსხლტა ჩემი მეგობარი  
 მოკლულ გულის დასასერად;

მე ერთ ქედსა წავადექი,  
 შიშმა მეტად დამაწყულულა,  
 კაცად შექმნა ღმერთსა ვთხოვე,  
 როგორც მხედავთ—ამისრულა.

ბევრი ვძებნე მეგობარი:  
 ვერ ვიპოვე—ვიწაღმართე.  
 სატრფოს მოგონების ნიშნად  
 ეს მანქანა გავიმართე...

დავდივარ და საკრავს ვუკრავ,  
 ვართობ გულსა მე სიმღერით;  
 ქვეყნად ეს-ლა დამრჩენია:  
 ვსტკბები აჰ ირმების ცქერით...

შეფე-ქალი ფრთებ-შესხმული  
 აღტაცებით წამოფრინდა:  
 —მე ვარ, სატრფოვ, შენი სატრფო,  
 მე ვარ წმიდავ, შენი წმიდა!..

მაშინდელი პირუტყვები  
 მეთყველებად გადაქცეოთ;  
 აქამდისინ ბნელში მყოფთა  
 ჩამოგვადგა შუქი ზეცით!..

ახლა ყველა კაცი მიყვარს;  
 გავცემ ამის ბრძანებასა:  
 ნულარავინ გაასხვავებს  
 კაცთა და ქალთ გვანებასა ...

გაიმართა დიდი ლხინი,  
 ქალაქები გააჩაღეს;  
 ერთმანეთის სიყვარულით  
 კორდ-ჯაგნარი გააბაღეს.

ყველაზე მეტად ხარობდა  
 მათში ერთი დედაბერი;  
 ბედნიერთა სასახლეში  
 ბინა ჰქონდა შესაფერი.

\* \* \*

კობტას გული კანკალებდა  
 ფიქრთა ქსელში გახლართული;  
 საქმე ლალატს წააგაედა,  
 გაჩაჩხული, გამართული...

დევეთან ჰქონდა მას პირობა,  
 სახლშიც გული უჩქაროდა;  
 საჩინეთის მეფე გახდა,  
 მაგრამ მას არ უხაროდა:

რაკი სხვა გზა აღარ იყო,  
 გადასწყვიტა წაიყვანოს,  
 ისე კი, რომ დედოფალსა  
 არც აწყინოს და არც ავნოს...



ერთ დღეს თავის დედოფალი  
გაიწვია ქალაქ გარედ;  
ერთად დასხდნენ ხალიჩაზე,  
მოწყენით და მგლოვიარედ:

კობტამ ხალიჩას უბრძანა:  
აფრინდი, ცა მოგვატარე:  
სევდა რამე შემოგვაწვა,  
გაგვიფანტე, განგვიქარე...

ხალიჩამ შეინავარდა,  
გასრიალდა ცის სივრცეში;  
ბოლოს პატრონის ბრძანებით  
ჩამოეშვა ერთ დიდ ტყეში.

მეფე-ქალმა გამოჰკითხა:  
ზომ არ ექვობ სიყვარულში?  
რალაც კმუნვა იხალება,  
რათ არ მიმხელ, რა გაქვს გულში?

კობტამ სიმართლით უამბო  
ყველაფერი დალაგებით:  
რომელ მეფის შეილი იყო,  
ან სად მოხვდა ღეთის განგებით...

თავის მამის ანდერძიდან  
ძმების წასვლა ქალთ სამებრად,  
ჯადოქარის მოჩვენება  
ყაჩაღების უფროს ბებრად...

პირ-ცეცხლიან დევისაგან  
გამოქვამულში მომწყვდევა,  
უფროს ძმების შეშინება,  
ტირილი და კრემლის ფრქვევა...

ბოლოს პირობის დადება,  
 გრძნობა თავის დანიშნულთან,  
 სინდისი და ფიქრთა ბრძოლა  
 გვერდზე მჯდომის სიყვარულთან...

—გკითხავე: მიხმობ მეგობარსა;  
 მეც მაგ გრძნობით ვიშკვალეები:  
 ჩემ პირობებში რომ იყო,  
 შენ, რას იქ, ნუ შეკრძალები?..

ქალმა უთხრა:—მოვისმინე  
 ბნელი გული გამინათდა:  
 დღეს მე შენი სიყვარული  
 გამიმტკიცდა, გამიათდა...

წინ მიგიძღვის დიდი შრომა,  
 ბევრი კარგი მაგრძნობინე,  
 მძულეფარების სისხლის ღვრასა  
 მომარჩინე, ამაყდინე...

შენში არის დიდი ნიქი,  
 თეთრსა და შავს კარგად ამჩნევ...—  
 პირობა მას შეუხსრულე,  
 ვისაც ამის ღირსად არჩევ...

დღეი მუდამ ბორბრტია,  
 მარტო თავსა ანებებრებს;  
 შენ კი სულ სხვისთვის გივლია,—  
 ახლაც გულსა ეგ გიმტკივნებს...

მე კი მხოლოდ ამას გეტყვი,  
 რაც მაქვს გულში აღნიშნული:  
 ან მე უნდა შემითვისო,  
 და ან შენი დანიშნული?!

ვაჟმა უთხრა:—სანამ მივალთ  
ვიცი სამ წელს გადასცდება,  
მას მე მკვდარი ვეგონები,  
ქმარს შეირთავს—გათხოვდება. .

შენ მიგიყვან ბოროტ დევთან,  
პირობაზე დაგვიხვდება;  
ვეტყვი: ძალით სიყვარული  
ვაქცავობას არ უხდება...

არ შიილებს კეთილ რჩევას,  
გაბრაზდება, განრისხდება,  
თავის პირით ნაფრქვევ ცეცხლში  
ჩავარდება, ჩაინთქმება...

მაშინ ველარავეინ გაგვეყრის  
ჩვენი ნატვრა ასრულდება:  
შენ მეუღლე—მეგობარი,  
ის—ერთგული და იქნება...

ქალი ვაჟსა მოეხვია:  
—აკი ვთქვი, რომ გესმის ყველა.  
სიკეთითა შეგიძლიან  
უბედურთა ხსნა და შეველა!.

მერმე დასხდნენ ხალიჩაზე,  
ვაეზართნენ დევის მხარეს;  
ბევრი მთები, ბევრი ზღვები  
გადიფრინეს, გადიარეს.

მიახლოვდნენ გამოქვაბულს,  
ძლივს სწვდებოდა დაბლა თვალი;  
კობტამ მალლიდან დასძახა:  
მომყავს, დეგო, შეფე-ქალი!..

დღეი კარში გამოვარდა,  
 სიხარულის ცეცხლს აფრქვევდა;  
 დაბტოდა და ღრიალებდა,  
 არე-მარეს შეარყვევდა...

შამშნარს ცეცხლი წაეკიდა,  
 სულ დაჰფარა მთელი ხევი,  
 თავის პირით ნაფრქვევ ალში  
 შიგ ჩაიწვა თითონ დღეი...

კობტა თავის მეგობარით  
 გადაფრინდა სამშობლოში;  
 ზურნა-დაფის ხმა ისმოდა  
 ქალაქის თავს და ბოლოში.

თურმე იმის დანიშნულსა  
 ძმები ქორწილს დღეს უზდიდნენ,  
 რაკი ვადა გადასცილდა,  
 არ ელოდნენ არ უცდიდნენ...

ამ დროს უცებ კარს მიადგა  
 უმცროსი ძმა უფროსებსა —  
 თვისი ბრწყინვა მიუმატა  
 ვით ცისკარმა ვარსკვლავებსა.

კობტას გვერდზე მჯდომი ქალი  
 ბნელ ღამესა ათენებდა;  
 სიტურფით და სინარნარით  
 იქ მყოფთ ყველას ამშვეენებდა...

დამკვრელთა და მომღერალთა  
 გაჰქონდათ და გამოჰქონდათ;  
 იმ უდიდეს წყვილ ქორწილში  
 ჩიტის რძეც კი ბევრი ჰქონდათ...

ძმებმა კობია გადაჰკოცნეს,  
 უთხრეს: შენ ხარ ნიკის მკონე,  
 ჩვენს სამეფოს შენ გაბარებთ,  
 მოუარე, უპატრონე...



ერთმანეთის სიყვარული, სჯულად დასდეს გააღმერთეს.

სამშობლოს და საჩინეთსა  
 სხვა ქვეყნებიც შეუერთეს,  
 ერთმანეთის სიყვარული  
 რჯულად დასდეს, გააღმერთეს...

გაგო თქმისხვეული.





# შავ ტყუანეტას შვილოებილი

(შემდეგი \*)

VI

ტუანეტა



წინ, როდესაც ლამაზი სახლები ჯერ კიდევ იშვიათი მოვლენა იყო, ახალ ორღენანის ფრანგთა უბანში, ურსულის ქუჩაზე მცხოვრები კრეოლები ცოტასკი არ ამაცობდნენ დეტრავას სახლით. ეს იყო დიდი თეთრი სახლი, მშვენიერი სვეტებით და ქუჩებიდან სრულებით უხილავი გრილი ფართე აივნებით. სახლის ირგვლივ გაშლილი იყო ცნობის მოყვარე თვალთვან ვარდის ფრად შეღებილის გალავნით დაფარული ვარდის ხეივნები და თვალწარმატაცი მინდვრები. საოცნებო სტილის ალაყაფის კარების ორივე მხარეს მკვირივი სვეტები ამართულიყო, რომლებს თავზე ლომები იწვნენ. ლომებს ფეხთით თითო დაქანგული ზარბაზნის ყუმბარა ედოთ, ჩაღმეტას ბრძოლის ველიდან გენერალ დეტრავას მოტანილი, რომელმაც ეს მშვენიერი სახლი მოხუცებულობის დროს მოსასვენებლად ააგო და შიგ დასახლდა.

მრავალი წლის განმავლობაში დეტრავას სახლის კარები ღია იყო ყველა სტუმრებისათვის და არა ერთი და ორი ხანში შესული ქალი იგონებდა ახლა თვის პირველ ბალს დეტ-

\* იხილეთ „ნაკადული“-ს მე-3 №, 1917 წლისა.



რავის ოჯახში, როგორც მთელ მის ცხოვრებაში მოვლენას. დეტრავის ჩამომავლობა ბოლოს ნელ-ნელა ამოწყდა და უკანასკნელად ამ ოჯახის ჩამომავალთაგან დარჩა მხოლოდ შარლ დეტრავა, მდიდარი შაქრის პლანტატორი, რომელიც აქ ყოფნას სოფელში თავის მდიდარ პლანტაციებზე ცხოვრებას ამჯობინებდა.

დიდიხანია, რაც დეტრავის სახლში აღარავინ ცხოვრებდა, მაგრამ ერთ მშვენიერ ზამთარში სახლის პატრონის ერთად ერთი ქალის, დომინიკანთა მონასტრის სასწავლებელში ახლახან სწავლა დასრულებული, მშვენიერ ესტელა დეტრავის პირველად საზოგადოებაში გამოსვლის გამო ისევ გაიღო დაკეტილი კარები. ეს დღესასწაულიც სამუდამოდ დარჩა მის ხსოვნაში, ვისაც ბედმა ამ ზეიმზე ყოფნა აღიარა. სამოქალაქო ომის წინ ეს უკანასკნელი ზამთარი იყო და თითქმის მხიარულების უკანასკნელი დრო, რის შემდეგაც მწუხარების და სისაწყლის წლები დაიწყო.

მოკავშირე ჯარების ერთი პირველ მოხალისეთაგანი შარლ დეტრავა იყო. დასტოვა სოფელში ცოლშვილი მარტოდ-მარტო. თავისი რაზმით ომში წავიდა, რომ იქიდან აღარ დაბრუნებულ იყო. ქმრის წასვლის შემდეგ მეუღლე ჩქარა გარდაიცვალა და თუ ანგარიშში არ მივიღებთ იმ რამდენსავე ნათესავს, რომელნიც საფრანგეთში სცხოვრობდნენ და ესტელას არას დროს არ ენახა, ის მარტოდ-მარტო დარჩა. შემდეგ ვავრცელდა ხმა, რომ ის ქმარს გაჰყვაო, მაგრამ არავინ იცოდა ვის. იმ საშინელ დროს მათზე ისე ცოტას ფიქრობდნენ, რომ როდესაც ურსულის ქუჩაზე დიდი და საუცხოო დეტრავის სახლი ცეცხლმა შთანთქა და ვავრცელდა ხმა, რომ ცეცხლში ახალგაზდა დედა, ბავშვი და გამდელი დაიღუპაო, ყველა შეძრწუნდა და გაოცდა. არავის ეჭვადაც არ მოსდიოდა, რომ სახლში ხალხი ცხოვრობდა და რომ ქმრის დაკარგვის შემდეგ შარლ დეტრავის ოჯახობა ბრძო-



ლის ველიდან ქალაქში მიტოვებულ სახლს შეეფარა. ცმცხლის გაჩენის წინა დღით მოვიდნენ გამდლითა და ბავშვით, და მხოლოდ ერთმა თუ ორმა მათმა მნახვალმა ვაჭარმა იცოდა მთელი ოჯახის დაღუპვის ამბავი.

ამ საყოველთაო უბედურობის და დაქცევა-გალატაკების დროს დაიღუპა, როგორც ფიქრობდნენ, მთელი ოჯახი, და ინგრა აგრედვე მშვენიერი ძველი სახლიო. რის შემდეგაც მხოლოდ ჩამონგრეული სვეტები ზ ბუბრის საკვამლეები დარჩა. ჩქარა ყოვლად შემძლებელმა მხატვარმა ბუნებამ სქელი ბუჩქნარით და ყვავილების ნოხით მოართო და ააყვავა საბრალო ნანგრევები და რკინის კიშკრიდან ყველა ცნობის მოყვარეს შეეძლო მშვენიერი მწვანეულობის მიხვევოლ-მოხვეული ბილიკების ნახვა.

გაზაფხულზე პიტოსპორუმმა, რომელსაც უწინ ისე გულმოდგინეთ უვლიდნენ, თავისი ყვავილოვანი თეთრი ტოტებით კედლები მოართო. დაუცხრომელი ვენახი ალაყაფის კარებს თავს შემოველო და თითქმის სულ დაფარა თეთრი ფიცარი, რომელზედაც შავის ასოებით ეწერა: „ისყიდება ან იძლევა ქირით“. ბევრი მზიანი და ბევრიც წვიმიანი დღე უნახავს ამ ფიცარს, მაგრამ ცეცხლში დაღუპულ დიდი სახლის უკან მდგარი პატარა სახლის დამქირავებელი არ აღმოჩნდა აგრედვე არც ეზოს მყიდველი, რომელიც ახლა ერთ საფრანგეთში მყოფ ნათესავის — უცნობ დეტრავას საკუთრებას შეადგენდა.

დრო გადიოდა და ბალი მოუველელობისაგან წლითი წლობით ვერანდებოდა. დიდის ხელოვნებით გაკეთებულ ყვავილნარსაც იგივე დღე ადგა. ბუჩქები ხეებად იქცნენ, ვარდმა და იასამანმა ყოველ მხრივ ტოტები გაიწოდა და ყველაფერს შემოეხვია, რის შემოხვევაც შეიძლებოდა. ხშირი ფოთლებისაგან დაბნელებულ ხეებზე უთვალავი ჩიტები ბუდეებს აკეთებდნენ და ბარტყებს სჩეკდნენ. ძველი ბალი ჯერ კარგი იყო, მაგრამ შავი ღრუბელი დასწოლოდა თავ-





ზე; ჯერ არ იყო დავიწყებული იმ საბედისწერო ლაშქარ მომხდარი საშინელი დრამა. საშინელი ხმები დადიოდა იმ უბანში ეზოს შესახებ და იმ არე მიდამოში ყველა იმ აზრისა იყო, რომ ძველი ბნელი ალაყაფის კარები და პირქუში ლომები რაღაც საშინელ საიდუმლოს ინახავენ, ამიტომ საექვო იყო რომ ვისმეს გაებედა იმ უდაბურ ალაგას პატარა სახლში დასახლება, რომელიც ყოფილ დიდების დროს სამოახლოს როლს ასრულებდა.

მაგრამ ერთხელ მეზობლებმა ხანში შესული კარგად ჩაცმული კვარტერონი ქალი დაინახეს, რომელსაც ხელ ჩაკიდებული მშვენიერი თეთრი ბავშვი მიჰყვებოდა; ისინი დეტრავას ეზოს კარებთან გაჩერდნენ. ქალი მშვენიერი სახის იყო, დაბალი, შავი კაბითა და ქალარა-შერეულ თავზე თეთრი თავსაფარით. ბავშვი ლარიბულად, მაგრამ სუფთად ჩაცმული, ზამბახივით თეთრი, ცოცხლად გამოიყურებოდა. ქალი დიდხანს იცქირებოდა კიშკრის მესრებში და როდესაც მობრუნდა და იმ ალაგს განშორდა, სახეზე ცრემლები ემჩნეოდა.

რამოდენიმე დღის შემდეგ ეზოს პირდაპირ სახლის მდგმურმა პატარა სახლის საკვამლიდან კვამლი შინიშნა. ცხადი იყო, რომ დეტრავას სახლი ადამიანებს ელირსა. ძველი ფიცარი საღვაც გაქრა და ჩქარა მის ალაგას სხვა ფიცარი გამოჩნდა შემდეგის წარწერით: „ყვავილები დასაფლავებისა და ქორწილებისათვის და ყვავილების ნერგები ისყიდება ხელმისაწვდომ ფასებში“.

გავიდა რამდენიმე დრო, სანამ მეზობლების ცნობის მოყვარეობა დაკმაყოფილებული იქნა; როდესაც გაიგეს, რომ ახალი მდგმური ის კვარტერონი ქალია, რომელიც ამას წინანდ ეზოს კარებს მიაღდა, — ყველას გაუკვირდა და ეწყინა. ბევრის ცდის შემდეგ მეზობლებმა ძლიერ გაიგეს, რომ ქალს ტუანეტა ჰქვია, რომ ის ძლიერ დახელოვნებული მებაღეა და რომ ის არის მესვეური და გამდელი თეთრი ბავშვისა, რომელსაც ფილიპე ჰქვია. მეზობლებს ქალის ნახვა ძლიერ



ქალი დიდხანს იტყირებოდა ჰიშკრის მესრებში.

იშვიათად შეეძლოთ ეზოს კარებში შესვლა-გამოსვლის დროს. ბავშვის ნახვა მხოლოდ შემთხვევით შეიძლებოდა, როდესაც ის მუხებისა და მაგნოლიებისაგან დაჩრდილულ გზებით დარბოდა და ან როცა რგვალი, ვარდივით წითელი სახით კარებს მოადგებოდა და დიდრონი, გაკვირვებული თვალებით ფართო, მტვერიან გზას გაჰყურებდა.

ქუჩის პატარ-პატარა კრეოლები ამაოდ სცდილობდნენ მისი შორცხვობის დაძლევას. მოჰკრავდა ბავშვი იმათ თვალს თუ არა, მაშინვე ბუჩქებში ან ვენახში დაიჩალებოდა და მანამ



იჯდა იქ, სანამ დაუბატიებელი მეგობრები იქაურობას გაეცლებოდნენ.

ის ჯანმრთელი და სიცოცხლით სავსე ბავშვი იყო; აღმერთებდა ჩიტებს და ყვავილებს; ყველა პირუტყვი მისდამი უსაზღვრო ნდობას გრძნობდა. მას ყოველთვის გარს ეხვია საყვარელი არსებანი. ასე გეგონებოდათ, თითქოს მათ შორის რაღაც იღუმალი კავშირი სუფევსო. ტუანეტას ზოგჯერ ეგონა რომ იმათ შორის არსებობს რაღაც მათთვის გასაგები ენა, რადგანაც, დაიწყებდა თუ არა ბავშვი სტვენას, მაშინვე ჩიტები მოფრინდებოდნენ და მისი ხელიდან საკენკს კენკავდნენ. ბავშვმა ძლიერ აღრე დაიწყო ფრინველთა და ნადირთა ხატვა და ტუანეტამაც მას ქალაღი და ფერადების კოლოფი უყიდა და ძლიერ გაუხარდა, როდესაც კეთილი პატრის მამა ქოზეფისაგან გაიგო, რომ ბავშვს ხატვის ნიჭი აქვსო.

როდესაც ტუანეტა მოხუცდა და ბავშვის სწავლება აღარ შეეძლო, მასწავლებლად მამა ქოზეფი მოიწვია. ყოველ დღით საუზმის შემდეგ ექვს საათზე ბავშვი სამეცადინოდ მამა ქოზეფთან გარბოდა, რომელიც ყოველთვის იმ დროს წიგნებით სავსე მაგიდას უჯდა და ყვავს მიირთმევდა.

ფილიპეს მამა ქოზეფი უყვარდა: მაგრამ ტუანეტას აღმერთებდა. რა იქნებოდა იმისთანა, რომ ტუანეტას მისთვის არ გაეკეთებინა და ბავშვიც უსაზღვრო სიყვარულით უხდიდა.

ცოტა წამოიზარდა თუ არა ფილიპე, სცდილობდა თავის შეძლების დაგვარად ეშველა მისთვის: ის რწყავდა ყვავილებს, რგავდა იას, აგროვებდა ჩამოცვივულ ფოთლებს და უზომო მოთმინებით სწყვეტდა დამსკდარ იატაკის ჭუჭრუტანებიდან ამოსულ ბალახს.

მის სიხარულს საზღვარი არ ჰქონდა, როდესაც ტუანეტამ ქუჩაში ყვავილების ვაყიდვის ნება მისცა. ფილიპე მაშინ ექვსი წლისა იყო და იმ დროს თუმცა აღარც ისეთი მორცხ-

ვი იყო, როგორც ბავშვობისას ამაგრამ მაინც ახლაც მატარა ტყის ნადირს წააგავდა, რაც მას კიდევ უფრო მიმზიდველად ხდიდა: შეიძლება სელინას გულის ერთბაშად მონადირების მიზეზიც სწორედ ეს იყო.

ჩვეულებრივად ფილიპე დილ-დილაობით სამსახურში მიმავალ მოხელეებს აწვდიდა ყვავილებს. მას ბევრი მუდმივი მუშტარი ჰყავდა, რომელნიც ნათელ ღიმილისა და დილის აღერსიანად მისალმებაში იმდენსავე ფულს უდებდნენ ხელში, რამდენსაც ყვავილების ფასად. გაყიდდა თუ არა ყვავილებს, ბავშვი ქუჩა-ქუჩა როდი დახეტიალობდა. ტოროლასავით ბედნიერი, ტაუნეტასაკენ გარბოდა და ყვავილების მოვლა-გადარგვაში შველოდა.

ერთხელ ფილიპემ თავის „დედილოს“ დეას გაცნობის ამბავი გაუზიარა. კეთილი მოხუცი, გოგონას უნახავადვე სიბრაალულით აღივსო და იმ დღიდან ბავშვს იმდენ საგძალს ატანდა, რომ ორივეს ჰყოფნიდა. ყოველ დღე, დაბრუნდებოდა ბავშვი სახლში თუ არა, იმას კი არ ჰკითხავდა—გაყიდე თუ არა შენ ყვავილებიო, არამედ მოახერხა თუ არა დეამ რომელიმე ქანდაკების გაყიდვამ.

## VII

### ძნელი კითხვა

იმ დღეს, დორესაც დემ ქვაზიმოდო გაყიდა, ფილიპე ძლივს ეღირსა დალამებას—ისე ეჩქარებოდა ტუანეტასთვის დეას ბედნიერების ამბავი ეხარებოდა; და დიცილა თუ არა მისი ტაბაკი ყვავილებისაგან, ბავშვი ისარივით გაჰქანდა სახლისაკენ. მიუხედავად იმისა, რომ ქუჩაში ბავშვები მას სათამაშოდ იწვევდნენ. ბავშვებს ფილიპე ძლიერ უყვარდათ და დიდის ალტაცებით ეგებებოდნენ.

ტრემოს ქუჩის კუთხეში მან ქუჩის ბიჭებ-შემორტყმული, თავზე ვედრო-დადგმული მაზინჯი ზანგის ბიჭი დაინახა.



—მეგაგურები მუშაობიდან ბრუნდებიან და ბიჭები ბილს აწვალენ, — დაიძახა მან და მის ცისფერ თვალეში რისხვამ გაიღვია. — თუ მივალწიე იქამდის, — მე ვაჩვენებ იმათ სერს. და ერთი წამის შემდეგ ის ბავშვების გროვაში მარცხინთ თუ მარჯვინთ სილას არიგებდა.

— ჰეი, თქვე ცულლუტებო, დაეხსენით ამ კუტს! რათ აწვალეთ, რატომ არ გრცხვენიათ? აბა, ბილ, აიღე ჩემი ტაბაკი და აქ მომე შენი ვედრო. ამ სიტყვებით თავზე მძიმე ვედროთი ფილიპე მეგაგურე ბიჭებთან ერთად გზას გაუდგა.

როდესაც უჩვეულო ტვირთისაგან სახე-აწითლებული ფილიპე სახლში დაბრუნდა, სულს ძლივს იბრუნებდა, და მეტი მღელვარებისაგან თვალეში უბრწყინავდა. თეთრი ყვავილებით დაფენილ მაგიდასთან აივანზე მჯდომი ტუანეტა მავთულების პატარა ცხვარს ცვილისაგან გაკეთებულ იასამანის ყვავილებს აწებებდა.

— ვისთვის აკეთებ, დედილო? — ოფლი მოიწმინდა და იკითხა ბანის მოაჯირზე მიყრდნობილმა ფილიპემ.

— პრიერის ქუჩაზე პატარა ბავშვისათვის. ვუწინ სალამოს გარდაიცვალა. რატომ გაწითლებულხარ აგრე, ჩემო საყვარელო? — ჰკითხა ტუანეტამ. — რამდენჯერ მითხოვია შენთვის — ძლიერ ნუ ირბენ მეთჰი.

— ვერ მოვიტომინე; ისე ვეჭარებოდი შინ მოსვლას; მინდოდა შენთვის შემეტყობინებინა, რომ დეამ ქვაზიმოდო გაპყილა.

და ფილიპემ სულ-დაუთქმელად ხან ფრანგულად და ხან ინგლისურად ტუანეტას იმ დღეს მომხდარი ამბავი უამბო.

— რომ იცოდე, დედილო: ის, სადაც სცხოვრობს, იქვე ნახატებს ხატავს. მე მთხოვა სანახავად მისვლა შეიძლება ხვალ წავიდე.

— რასაკვირველია, შეილო, შეიძლება! — სამუშაოსაგან თავის აუღებლად უპასუხა ტუანეტამ. — შეგიძლია წახვიდე, და თუ რამეს გასწავლის, ძლიერ მოხარული ვიქნები.



— მასწავლის, შე ვიცი—მასწავლის! ძლიერ ვეთილია!  
 პირობა მოგვცა—ესმერალდასაც ვიყიდიო, —რწმენით სავსე  
 კილოთი სთქვა ფილიპემ.



მთლად ცოცხალს არა ჰგავს?

— ძლიერ მიხარია საწყალი გოგოს მაგიერ, — სთქვა ტუანეტამ.

— შეიძლება ვიფახშმო, დედილო? საშინლად მშია. გუმბო გააკეთე?

— ჰო, ჩემო ძვირფასო; ყველაფერი მზად არის. ცოტა მოითმინე—ცხვარი გავათავო. ჩქარა მოიკითხავენ. მარტო თვალების გაკეთება ლა დამარჩა.

ამ სიტყვებით ტუანეტამ ყვავილის მუჭი ფოთოლი ამოარჩია და წინდაწინვე გაკეთებულ თვალის ალაგას ხელოვნურად ჩასვა.

— მთლად ცოცხალს არა ჰგავს?—ჰკითხა მან და ცხვარი აღტაცებით მალა ასწია.—რა თეთრია!

— არ ვიცი,—სთქვა ფილიპემ,—და ცოტა გვერდზე თავის დახრით კრიტიკული თვალით გადახედა.—მე კი ცოცხალი ყვავილები უფრო მიყვარს.

ამ დროს ზარის ხმა გაისმა და ფილიპე კარის გასაღებად გაეშურა. ცხვარისათვის მოახლე გამოეგზავნათ.

— ქალბატონს ძლიერ მოეწონება,—სთქვა მან და შავად მოელვარე სახეზე ცრემლი მოიწმინდა.—იმან ჯერ არ იცის, რომ ცხვარი შეგვეთილია; ეს ვაებატონის განკარგულებაა.

ტუანეტამ ცხვარი გასანთლულ ქალაქში შეახვია და ფრთხილად კალათში ჩასდო.

— ახლა კი, ჩემო შვილო,—სთქვა ტუანეტამ, როდესაც მოახლე წავიდა და კალათში ისე იყურებოდა, თითქოს იქ ცოცხალი არსება უძევსო,—შენ გაიქეცე, კარები დაკეტე, და მე ვახშამს მოვამზადებ.

ტუანეტამ შეაგროვა მაგიდაზე დირჩენილი ყვავილები და თეთრი სუფრა გაშალა, შემდეგ უმაგალითო სუფთა სამზარეულოდან ცხელ-ოხშივარიანი გუმბოთი სავესე ჯამი, მოხარშული ბრინჯი, დაშაქრული ნამცხვრები და დოქით რძე გამოიტანა.

სანამ ტუანეტას ვახშამი გამოჰქონდა, ფილიპე თავის საწოლ ოთახში შევიდა, რომელიც იმათი ერთად ერთი სასტუმრო ოთახის გვერდით იყო. სამზარეულოში გავლის დროს მან სიყვარულით გადახედა იქაურობას, ისე სუფთა და დალა-

გებული იყო ოთახი. სასტუმრო ოთახის კედლები თითქმის მთლად მავთულების ნიმუშებით იყო დაფარული; ამ ნიმუშების დაგვარად დაწულ ფაგურებს ქორწილი ან ტირილი უნდა დაემშვენებია. აქ იყო: ქნარი, გვირგვინები, ვარსკვლავები, ნახევრად ღია კარები, ოთხყურა იონჯა, ცხვარი, მტრედები და სხვა. აქა-იქ ნიმუშებში ვრია თეთრი უკვდავას გვირგვინები, რომლებზედაც ნათლათ ჩანდა წითელი წარწერები: „ჩემ შვილს“, „საყვარელ დედას“, „ილოცეთ ჩვენთვის“ და სხვა. კრეოლები ხშირად ყიდულობდნენ ამგვარ გვირგვინებს და ამიტომ ტუნეტას რამოდენიმე ყოველთვის მზად ჰქონდა. ფილიპეს გავლის დროს ამ ოთახში საღამოს მზემ შამოიქვრიტა და ყველა ეს ნუმუშები ვერცხლის ფრად ააპრიალა. სხივებმა თეთრი კედლები, აგურის წითელი იატაკი და უბრალო უფერული ავეჯი ისე გაანათა, რომ იქაურობა ლამაზად მოკაზმულ ოთახად აქცია.

გარედ უკვე ბნელოდა და ციოდა და ეს უკანასკნელი სხივი და თბილი ფერები ბნელასთან შედარებით სასიამოვნო განსხვავებას წარმოადგენდა. ფილიპეს ამგვარი სურათები უყვარდა. მისი მხატვრული ბუნება მათი ხილვით განცხრომას განიცდიდა. ამას გარდა ეს იყო ერთად-ერთი სახლი, რომელშიაც ის აღიზარდა და კარგად იცნობდა. ამ მხრივაც ის მისთვის ძლიერ ძვირფასი იყო.

ის შევიდა თავის ოთახში და ერთის გადახედვით თვალი მოავლო კოლოებისაგან დასაცველად ფარდა-გადაფარებულ, თოვლივით თეთრ ლოგინს, ფანჯარასთან ვარდის ყვავილებით მორთულ მაგიდას, რომელზედაც მისი წიგნი და ასპიდის დაფა იდო, — და თავის პატარა გულში თავმომწონედ გაიფიქრა, რომ ქვეყანაზე უკეთესი კლთხე არ მოიძებნებოდა. ფანჯრის წინ ტოტზე შავი ჩიტი ხტოდა და ჭიკჭიკობდა. პირის დაბანის და თმის დავარცხნის დროს ფილიპემ ჩიტივით დაიჭიკჭიკა, შემდეგ თაროდან წიგნები ჩამოიღო და ბანზე



გამოვიდა, სადაც მას ტუანეტა უცდიდა. ვახშმის შემდეგ ტუანეტა გაკვეთილის მოსასმენად მოემზადა.

— დედილო, — წიგნის ფურცლებით აღერსიანად დაილაპარაკა ფილიპემ, — საშინლად დავიღალე. შეიძლება დღეს გაკვეთილი არ მოვაშალო?

— არა, არა! — მკაცრად უპასუხა ტუანეტამ. — მისულხარ როდისმე მამა ეოზეფთან გაკვეთილ-მოუშაადებელი? დაიწყე, ჩემო მტრედო! მე ჯერ კიდევ სამუშაო მაქვს, შენ კი გაკვეთილის სწავლა გესაჭიროება. კმაყოფილი იყო დღეს მამა ეოზეფი შენი გაკვეთილით?

— დიახ, დედილო, ძლიერ კარგად გაგიკეთებია გარჩევაო. მაშ გაკვეთილის მოუშაადებლობა არ შეიძლება? კარგი დავიწყებ.

ფილიპემ დინჯი სახე მიიღო და აკანკალებული ხმით „მამაო ჩვენო“ წაიკითხა. როდესაც კითხვა გაათავა ტუანეტამ თავის დახრით „ამინ“ წარმოსთქვა. შეასრულა თუ არა ეს საპატრიო ვალდებულება, ფილიპე წიგნებით ხელში კიბის საფეხურზე ჩამოჯდა და გაკვეთილის სწავლას შეუდგა. ტუანეტამ მაგიდა დაალოგა და ისიც საოჯახო საქმეში გაერთო. ცოტა ხნის შემდეგ მან ფილიპეს შეხედა.

ბავშვს წიგნები ფეხებთან გაებნია და ნიდაყვზედ დაყრდნობილი იჯდა, ერთხელ კიდევ შეხედა ბავშვს, ის ძლიერ დაფიქრებული იყო. რაზე ფიქრობდა რგი? ტუანეტა ერთბაშად შოიხარა. როგორღაც დაპატარავდა; და როდესაც თესლის რჩევა დაუწყო, ხელებში კანკალი აუვიარდა.

რამდენი ხანია მას მოსვენებას ირ აძლევს ერთი გარემოება: ბავშვმა უეცრად რომ იკითხოს — სად არიან მისი მშობლები? ახლა დამის მკრთალ სინათლეში ბავშვი მას უფრო დიდი ეჩვენა, და გულმა უგრძნო, რომ ახლა დადგა ეს წამი. ამ დროს ბავშვმა თავი მალლა აიღო, ტუანეტას დინჯი თვალები მიიპყრო და ჰკითხა:

— დედილო, იმ კაცმა დღეს მკითხა—ცოცხლებია ჩემი დედ-მამა, თუ არა. ცოცხლებია?

ტუანეტა გაფითრდა, ბავშვის შემკითხავ თვალებს თავი მოარიდა.

— არა,—უპასუხა მან აკანკალებული ხმით,—არა, ჩემო შვილო, შენ დაჰკარგე ისინი იმ დროს, როცა ჯერ კიდევ რამოდენიმე თვისა იყავი.

— იმან კიდევ ჩემი გვარი იკითხა. მაქვს გვარი?

— რასაკვირველია გაქვს,—ძლივს წაიბუტბუტა ტუანეტამ,—მაგრამ ამას რისთვის გეკითხებოდა? ეს კითხვები სრულებით არ არის საჭირო ისეთი პატარა ბავშვისათვის, როგორც შენა ხარ.

— არა, დედა, მე აღარც ისე პატარა ვარ. მე ახლა ამაზე ვფიქრობ, რომ ყველა ბავშვს ორი სახელი აქვს. ასე გასინჯეთ, პატარა ბილსაც ორი სახელი აქვს—ბილ ბრაუნი, მე კი მხოლოდ ტუანეტას ფილიპე!—სევედის ღრუბელმა მოიცვა ტუანეტას სახე; მაგრამ ერთი წუთის დუმილის შემდეგ იმან სასტიკად და გაბედულად დაილაპარაკა:

— თავი დაანებე ამ კითხვებს. მოვა დრო, და შენც გაიგებ. მე თუ აღარ ვიქნები, ყველაფერს მამა ეოზეფი გაგაგებინებს. შენი ქალაღდები იმასთან ინახება, და როცა გაიზრდები—მიიღებ მისგან. ახლა მეტი არაფრის თქმა შემიძლია, მაგაზე ფიქრი დაივიწყე და გაკვეთილებს შეუდექი, თორემ ხვალ მამა ეოზეფი უკმაყოფილო დარჩება.

ფილიპემ წიგნი აიღო და ყურება დაუწყო, მაგრამ შიგვერაფერს ხედავდა. მის გულში საშინელმა ცნობისმოყვარეობამ გაიღვიძა, ტუანეტამ კი არ დააკმაყოფილა იგი.—შეიძლება მამა ეოზეფმა მითხრას რამე,—გაიფიქრა მან და ვადასწყვიტა მეორე დღესვე გამოეკითხა.

## VIII

## მოქანდაკე

მიიღებინა თუ არა დეამ ვიღერის ქუჩაზე პატარა სახლთან, სადაც გაატარა უმეტესი ნაწილი თავისი მწუხარებით საესე ცხოვრებისა, კრილა ალაყაფის კარები გააღო და ჰომოს თანხლებით ჩქარა აგურით მოგებული ეზო გაიბრინა.

— მამა, მამილო! — კარების ჯუჯრუტანაზე ტუჩებ-მიდე-ბული ეძახოდა ის. — მე ვარ, დეა, გამიღე ჩქარა კარები!

რამოდენიმე წამს მოუთმენელი ლოდინის შემდეგ გაისმა ფრთხილი, ნელი ფეხის ხმა და დეამ გაიგონა როგორ გადააბრუნა აკანკალებულმა სუსტმა ხელმა გასაღები; კარი ნელა გაიღო და შიგ გაფითრებული, თვალგბ-ჩაკვივნილი, თმა-აჩეჩილი და წვერებ-მოშვეებული სახე გამოჩნდა.

— მამა, ჩემო საყვარელო მამა! აბა შემომხედე — რა მოვიტანე! — კარებსა და მამის შუა მარჯვედ გაძვრა და წარმოსთქვა დეამ. — ქვაზიმოდო გავყიდე და საკმელი მოგიტანე.

მამამ გაოცებული სახე მიაბყრო. შუბლზე ხელი მიიღო ფიქრების მოსაგროვებლად და ხსოვნის გასაღვიძებლად.

გოგონა ჩქარი სიარულისაგან სულს ძლივს იბრუნებდა, მაგრამ კარებზე დაკეტა, კალათი იქვე იატაკზე დასდგა და დარბაზების გასაღებად გაეშურა, რადგანაც ოთახში საშინლად ბნელოდა. შემდეგ ქალღლებითა და დაუთავებელი ქანდაკებებით საესე მაგიდასთან სავარძელი მიიტანა, მაგიდის ერთი კუთხე გაანთავისუფლა და ზედ ხელსაწმენდში შეხვეული, სელინასაგან მოცემული მოსაკითხი დასდო. დაამზადა თუ არა ღარიბული საუზმე, მიბრუნდა, ორივე ხელი მამას მოჰხვია, მაგიდასთან მიიყვანა და ფრთხილად სავარძელში ჩასვა.

მამა ცოტა ხანს საკმელს უცქეროდა და გამხმარ ლოყებზე ცრემლები ჩამოსდიოდა.

— ეს ჩემია? — წყნარად იკითხა მან.  
 — დიახ, მამა, შენია, ყველა შენია.  
 — არა, არა, შენ თვითონ უნდა სჯამო, დეა! შენ თვითონ მშვიერი ხარ!

— მე უკვე ვსჯამე; მამა! ეს შენია, სინჯე — რა გემრიელია, — არ სცხრებოდა ბავშვი. საკმელის ერთი საუკეთესო ნაჭერი მამის წინ ხელში ეჭირა.

— არა მშობია; არ შემოძლია ჰამა. მე ისე ავად ვარ, რომ ჰამა არ შემოძლია.

— სინჯე, საყვარელო მამა, სინჯე! მე ეს შენთვის ვიყიდე; ქვაზიმედო გავყიდე. შეხედე მამა — აი, ფულები!

ბავშვმა მამას ყელზე ხელები მოჰხვია და ფული დაანახა.

— ეს განა სასწაული არ არის? აბა შეხედე, ხუთი დოლარი — ოცდახუთი ფრანკია? ჩვენ დღეიდან მშვიერი აღარ ვიქნებით. გაიღვიძე, საყვარელო და ძვირფასო მამა! ნურასფერზე ნუ იფიქრებ, საკმელი სჯამე, და ყველაფერი კარგად წავა.

დეამ მზრუნველობით სავსე სახე მამას თავზე მიაყრდნო და სიყვარულით კოცნა დაუწყო.

მამამ კოცნა ხანს ფულს უცქირა და შემდეგ ქრეოლა დააწყებინა.

— ის აღარ არის, — დაიკენესა მან ბოლოს: — მე იმაზე დღე-ღამე ვმუშაობდი. ის იყო საუკეთესო ქანდაკება, რომელიც მე როდისმე შემოქნია, და აი ეს კოცნა ფულია — ყველაფერია, რაც მის შემდეგ დარჩა.

— ოჰ, მამა! — ნაზი თანაგრძნობით დაიძახა ბავშვმა: — ნუ იფიქრებ მაგაზე! შენ შეჭმნი სხვას, იმაზე უკეთეს საგანს. იფიქრე ჩემზე, იხარე და იკოცხლე ჩემთვის! მე მიყვარხარ, მამა, ძლიერ მიყვარხარ! სცადე ჰამა, სცადე! აი, გემრიელი პური, და აი, შენი საყვარელი ყველი. — დეა პატარ-პატარა

ლუკმებად სტეხდა და, როგორც ავადმყოფ ბავშვს ალერსით პირში უდებდა.



ოჰ, მამა, ნუ იფიქრებ წაგაზე.

მამა უარს არ ამბობდა და მორჩილებით, მაგრამ ეტყო-  
ბოდა, სრულებით უხალისოდ, სკამდა. როდესაც ქამა გაათავა,  
დემ ნამცეცები ჰომოს აქამა, რომელიც ყველაფერს დიდ  
ყურადღებით უცქეროდა. ძალღს თითქო უკვირდა, რო-  
გორ შეიძლება საქმელზე უარის თქმაო. შემდეგ დემ ვა-  
ხშმის გადანარჩენი თეფშზე დასდო და ხვალისათვის შე-  
ინახა. მაგიდა დაალოგა და თავის ოთახში შევიდა. მოიხსნა  
თავსაფარი, ყელსახვევი და ღიღი წინსაფარი გაიკეთა, რო-

მელმაც მისი კაბა სუმთლად დაფარა. ტანზე დედის კაბა ეცვა და ძლიერ უფრთხილდებოდა. წინ-საფარში გამოწყობილი შეუდგა ის დიდი ხნის დაულაგებელ ოთახების დაწმენდას. გოგონა ისეთი სუსტი და პატარა იყო, რომ მის ხელში ცოცხი უზარმაზარი ჩანდა, მაგრამ ის დიდის ხელოვნებით ხმარობდა მას. იატაკი დაჰგავა, მაგიდიდან მტვერი გადაფერთხა და ყველაფერი დიდ სიფაქიზით ისევ თავთავის ალაგას დასდო. შემდეგ ისევ ოთახში დაბრუნდა, სადაც მამა იჯდა და დალონებული ისევ ფულს მისჩერებოდა.

— მომეცი, მამა, ფული — შევინახო. ხვალ ვიყიდი ყველაფერს, რაც საჭიროა, — სთქვა დეამ. — მინდა ახლა შენი მაგიდა დავალაგო და გავასუფთაო.

მოქანდაკეს მრავალი სხვა-და-სხვა, ყდაში ჩასმული წიგნი ჰქონდა: ტყავის, ტილოს, ქალაღდის და ზოგიც სრულებით უყდოთ. იმათ შორის იყო დიდი წიგნები და პატარებიც, სქელი და თხელი, ძველი და ახალი, მაგრამ გასაკვირი ის იყო, რომ ყველა წიგნების პირველ ფურცელზე ვიქტორ ჰილგო ეწერა. რამდენიმე წიგნი პარიზში დასურათებული გამოცემა იყო და ეს ნახატები დაედო ნიმუშებად ზოგს მის ქანდაკებებსა და ეტიუდებს, მაგრამ მრავალი ეტიუდები თვითონ ჰქონდა დახატულ-გამშვენებულნი და ყველა დიდის ნიჭით და ხელოვნებით შესრულებული იყო. კუთხის მაგიდაზე ჩარჩოებში, შუშის ქვეშ რამოდენიმე ტურფა სურათი და კედელზე რამოდენიმე მედალიონი ეკიდა მშვენიერ ქალის სურათით და მრავალი ეტიუდები ბავშვისა, რომელიც დეას წააგავდა. ძნელი მისახვედრი არ არის, რომ ამ ეტიუდების საგანი დეას დედა იყო.

მაგიდის დალაგების და წიგნების გაფერთხის დროს დეა დაუცხრომლად ელაპარაკებოდა მამას ტკბილი, ალერსიანი ხმით. პირველად მამა ლაპარაკს ყურს არ უგდებდა. მაგრამ საბე თან-და-თან მოეწმინდა და გულდასმით დაუწყო ყურის-

გდება. დრო-გამოშვებით შუბლზე ხელს ისევამდა, თითქოს რალაცა სდევნის, რასაც მისი გონების დარდილვა სწადიაო. ცხადი იყო—დეა ერთსა და იმავეს განმეორებით გულში მწუხარების არდილს უქრობდა და აიძულებდა მისთვის ყური დაეგლო.

— მიხვდი თუ არა, საყვარელო მამილო!—დაბეჯითებით ეკითხებოდა ბავშვი,—ხვალ ის კაცი ესმერალდას იყიდის; მაშინ ჩვენ ორმოცდაათი ფრანკი გვექნება, და ორმოცდაათი ფრანკი დიდხანს გვეყოფა. სადილოდ კატლეტები და სალათა გვექნება და მოხუც სიუზეტასაც შეუძლია იაროს ჩვენსა სამუშაოდ.

— ორმოცდაათი ფრანკი! დარწმუნებული ხარ, დეა, რომ ჩვენ ორმოცდაათი ფრანკი გვექნება?—გააწყვეტინა სიტყვა ცოტათი დაინტერესებულმა მამამ.—ამ შემთხვევაში ფერადების ყიდვაა საჭირო. ულტრამარინი სულ გამომელია და ვარდის ფერიც ცოტაა. ზოგი ქანდაკების დაფერადებას შეუდექი და ფერადები არ იკმარებს.

— ფერადები გექნება, მამა! ხვალვე გიყიდი. დღეიდან ყველაფერი გექნება, რასაც კი მოისურვებ,—თავმომწონედ ამბობდა დეა.

— ყველაფერი, რასაც მოვისურვებ? შენ გგონია? მაშე შემიძლია ვიყიდო „კაცი, რომელიც იცინის“, ჰაშეტის გამოცემა? იმაში მშვენიერი ილიუსტრაციებია, რომლების გადაღებასაც ვაპირობ.

დეას სახე დაულონდა და ხმა უკანკალებდა, როცა უთხრა:

— არ ვიცი, მამა, ვნახავ, ვიკითხავ მთავრის ქუჩაზე წიგნის მაღაზიაში. თუ ძლიერ ძვირად არ ღირს, ვეცდები ვიყიდო.

— ეს გამოცემა ორმოცდაათი ფრანკი ღირს,—ოცნებით ჩაილაპარაკა მხატვარმა.

— საყვარელო მამა! ჩვენ არ შეგვიძლიან ყველა ფულების წიგნში მიცემა, როდესაც პური არა გვაქვს.

— ორმოცდაათი ფრანკი, ორმოცდაათი ფრანკი!—საკოდავად იმეორებდა ის,—მე არ შემიძლია ვიყილო ჰაშეტის გამოცემა!

— იყიდი, მაგრამ ცოტა ხანს შემდეგ. ჩვენ ჩქარა გავმდიდრდებით.—გამიგონე, მამა, რა გითხრა: ის კეთილი კაცი, რომელმაც ქვაზიწოდო იყიდა, მხატვარია; ის ცვილის ქანდაკებას კი არ აკეთებს—ხატავს. ფულებს დამპირდა, თუ ვივლი მასთან და გაუჩერდები სურათის დასახატავად.

— შენი წასვლა იქ, დეა, ირ შეიძლება,—გადაწყვეტილ წამოიძახა მამამ.

— ის ფულს მომცემს და წიგნის ყიდვა შემიძლება.

— თუ კი ამით ჰაშეტის გამოცემის ყიდვა შეგვიძლება, იმ შემთხვევაში—ბატონი ბძანდები.

დეამ პირი მიიბრუნა და გაიღიმა.

— საწყალი მამა! — გაიფიქრა მან,—ვიქტორ ჰიუგოს წიგნის შესაძენად ყველაფერზე მზად ირის.

— გამიგონე, მამა,—ნაწყვეტ-ნაწყვეტად ამბობდა დეა და მამას გამხდარ ხელზე ალერსით ეფერებოდა:—ნებას მისცემ მხატვარს აქ ნახოს შენი ნაშრომი—ჯგუფები? შეიძლება რომელიმე მოეწონოს და იყიდოს. ჯგუფი ხომ უფრო ძვირად ღირს, ვიდრე ერთი რომელიმე ქანდაკება. შეიძლება ნახოს?

— აქ, დეა? აქ, ამ სახლში, სადაც მე დამარბული ვარ? აქ, გარეშე კაცი! მე კი ისეთი ავადმყოფი და დაგლახაკებული ვარ! არა, არა შვილო, შენ უკეთუ ხარ, შენ შეუბრალებელი ხარ! შენს გარდა მე კარს არავის გაულებ!—ისე აშფოთებით და მოუსვენრად იყურებოდა აქეთ-იქით, თითქოს ამ წუთში გარეშენი შემოცვიფიანო.



— დამწვიდდი და მაგაზე ნულარ იფიქრებ, საყვარელო მამა, — ამწვიდებდა ბავშვი. — შენ თუ ნებას არ მისცემ, ის აქ არ მოვა. ჯგუფებს იქ მიუტან. კარგად ჩამიწყვე კალათში და სახლში მიუტან.

— რასაკვირველია შენ იქ მიუტან; ახლა კი წავალ სამუშაოს გასათავებლად.

არაჩვეულებრივი სიჩქარით მოამზადა მან ბნელ-აბაყურაიანი ლამპა, აიღო სანთელი და საქირო იარაღები და გამადიდებელი შუშით ხელში მაგიდას მიუჯდა.

ავადმყოფობის მიუხედავად, ის ლამაზი, ახოვანი და კარგი შესახედავი კაცი იყო: სახე-გაბრწყინებული, მიზერა-მოხერა ნაზი და დარბაისლური. იმ დროს, როცა ის უბმოდ და ხელმარჯვედ მუშაობდა, მაგიდაზე დაყრდნობილი, დეა თავმომწონედ და სიყვარულით შესტკვროდა.

დალამდა. დეამ ფრთხილად დარაბები დაჭურა და მისი ოთახის გვერდით მამის ოთახში შევიდა. ლოგინი გაუსწორა, კოლოებისაგან დასაცავი ბადე გადაათარა და პატარა მაგიდაზე დოქით ცივი წყალი დასდგა.

„საწყალი მამა, — ოთახში სიარულის დროს მოზრდილ ქალივით ფიქრობდა ის. — შეიძლება ეს ღამე მაინც დაიძინოს და წუხანდელივით მთელი ღამე არ იაროს და იკვნესოს. უნდა უყილო წიგნი. ისე გაეხარდება!“

დაუმზადა თუ არა დეამ მამას, რაც საქირო იყო, მასთან გამოსათხოვად მივიდა, აკოცა და მზრუნველობით უთხრა:

— დიდხანს ნუ იმუშავებ, საყვარელო მამა, ეცადე ამაღამ გამოიძინო. ხომ კარგი?

— შენ კეთილი ბავშვი ხარ, დეა, — დაბნეულად, კოცნით უპასუხა მამამ. — წადი — დაიძინე და ჩემთვის ნუ სწუხარ. ახლა უნდა ვიმუშაო, შემდეგ კი — შემდეგ — ბატონი ბრძანდები — დავწვები და დავისვენებ.

რამოდენიმე საათის შემდეგ, როდესაც დეას მაგარი, ბავშვური ძილით ეძინა, მის ოთახში მამა ფრთხილად შევიდა, დახედა მის წყნარ სახეს და ბავშვის ლოგინთან გაწოლილ ჰომოს, აიღო თავისი შავი სამგლოვიარო ქუდი, დაკეტა სახლი და მყუდრო მთვარის შუქ-მოფენილ ქუჩაზე გავიდა.

დათაკო ანთაძე.

(შემდეგი იქნება)





## ძველი რუსეთი და რევოლუცია



უშინდელი დღე რუსეთის ცხოვრებისა მეტად შავი იყო, მეტად უიმედო. თითქოს რაღაც ქაობში ვცხოვრობდით, სადაც ჰაერიც მოწამლულია და ათასგვარი ქვემძრომები ნავარდობენ და ბატონობენ. მეტად სეედიანი რამ სულსკვეთებით ვიყავით შეპყრობილნი. ჩვენ სი-

ცოცხლე გვინდოდა ადამიანური, მაგრამ ამის ნებას არ გვაძლევდნენ; ჩვენ ადამიანურ ენით გვსურდა მეტყველება, მაგრამ სასტიკი ცენზორი გვიკრძალავდა უჯიათოდ; გვინდოდა ჩვენი ერის აღორძინება სხვა ერთა შორის, მაგრამ წინააღმდეგ, ძველი მთავრობა სცდილობდა რაც შეიძლებდა მალე ჩვენს მოსპობას. ვიდრეკით და უსასოოდ შევსცქეროდით იმ წესწყობილებას, რომლის დიდ სიმძიმის შვეშ კვნესოდა სრულიად რუსეთის მოქალაქეობრივობა. შევსცქეროდით და ვფიქრობდით, თუ როდის მოედებოდა ბოლო იმ თილისმის ყავარჯნებს, რომლებზედაც ეყრდნობოდა ავსუელი და უწმინდური მთავრობა ძველი რუსეთის იმპერიისა.

როგორ შეიძლებოდა იმის წარმოდგენა, რომ მალე მოეკვეთებოდათ ფეხი, რომ მალე დაემხობოდა ის ტახტი, რომ

შელზედაც იყვნენ გამაგრებულნი, და ასე ძალა-გამოღეულნი უწინააღმდეგოდ ჩამოდგებოდნენ ცხოვრების გზიდან? არ მოველოდით, მაგრამ სინამდვილემ ჩვენ ნიქს აჯობა, და გუშინდელი სევდიანი მონები დღეს ძველი წყობილების ნანგრევებზე ვდგევართ და ამაყად უხმობთ იმ სანეტარო მომავალს, რომელიც განახორციელებს პიროვნების და ეროვნების თავისუფლებას, რომელიც მოქალაქეთა და ერთა სწორ-უფლებიანობას დაამყარებს და საერთაშორისო კავშირს გაამაგრებს და განამტკიცებს.

დღეს უკვე თვით ხალხი, მშრომელი ხალხი ჩასდგომია ცხოვრებას სათავეში, და სკდილობს მოაწყოს კაცთა ცხოვრება ისე, რომ ადამიანის და მოქალაქის უფლებები არ იყვნენ შელახულნი, შევიწროებულნი.

რუსეთის სახელმწიფოებრივი სწეულება გუშინდელი საქმე როდია. მას დიდი ისტორია აქვს, და დღეის წათელსაყოფად საჭიროა რუსეთის ისტორიული წარსული მოვიშველიოთ.

იმ წესწყობილებას, რომელიც რუსეთში იყო გამეფებული, ეწოდება აბსოლიუტიზმი. ეს სახელი ნიშნავს იმას, რომ მეფეს, ცხოვრების სათავეში მდგარს, აქვს მინიჭებული ყოველგვარი უფლება. მეფე ძველი წყობილების მომხრეთა მიერ გამოცხადებულია როგორც ღვთისგან მირონ-ცხებული და როგორც ზეციერი მეფის მიწიერი მოადგილე. ამ მეფის გარშემო შემოკრებილი იყო ვიწრო წრე მმართველებისა, ეგრედწოდებული ბიუროკრატია, რომელიც განაგებდა სახელმწიფო საქმეს, და მეფის ტახტის ერთგულ სადარაჯოდ იყო მოწოდებული. რადგან ყოველგვარი მეფობა და ბატონობა არის ნაყოფი გაუნათლებლობისა და უკულტუ-

რობისა, ამიტომ ამ მეფობის და ბატონობის შესარჩენად საჭირო იყო ხალხის იმ დონეზე ჰერა, სადაც რაიმე განიერობაზე და განსჯაზე საუბარი არ შეიძლება. და აკი ასეც იტყეოდნენ.

ამაზე ქვემოდ გვექნება საუბარი.

საფრანგეთში რევოლიუცია მოხდა 1789 წ. მაშინ იყო გამზადებული და აღიარებული ადამიანის და მოქალაქის უფლებები, რაც საფუძვლად დაედო მთელი ევროპის განმათავისუფლებელ მოძრაობას. მაგრამ ის, რაც სხვაგან მალე იქნა მიღებული, რუსეთში სასტიკად იქნა უარ-ყოფილი, და ეს რუსეთის გაუნათლებლობით იხსნებოდა. ჯერ ისევ ეკატერინე II-მ შეიძულა საფრანგეთის რევოლიუცია და მთელ თავის სიცოცხლეში წყვეა-კრულვით იხსენიებდა. მან ისეთ დონეზე დააყენა რუსეთი, ისეთი საღატები შემოუჭირა სახელმწიფოებრივ ცხოვრებას, ისე შეავიწროვა ქვეშევრდომნი, რომ აღექსანდრე I-ის თავისუფლებით გატაცება ხალხს ბავშობად ეჩვენა და მეოცნებეს სახელით მონათლა. ბოლო კი ის იყო, რომ თავისუფლების მოტრფიალე მეფე მალე დამარცხდა ცხოვრების მეერ და იყუჩა. ოცნება ვერ განხორციელდა.

ნიკოლოზ I-ის მეფობა ყველაზე დუხჭირი ხანაა მეცხრამეტე საუკუნეში. ყოველგვარი თაოსნობა იდევნებოდა სასტიკად, მონობა და ბატონობა დაკანონდა უმაღლესად. მთელი ცხოვრება ბრმა მოხელეებს ჩააბარეს, რომელნიც უაზროდ ჰმოქმედობდნენ უფროსთა ჩვენებით. ყველაფერი წესიერად გახლავთო, — აი რა ეკერათ იმათ პირზე. სინამდვილეში კი ყველაფერი ცუდად იყო. თვითნებობა და სიმკაცრე, კანცელარიის საიდუმლოება და ხიშტის ძალაზე დამყარებუ-

ლი რწმენა, თაოსნობის და შემოქმედების მკვლევლობა და გაუნათლებლობის დაკანონება,—აი რა შეჭმნა ნიკოლოზ პირველის რკინის მმართველობამ. ამ დროს იყო, რომ სახალხო განათლების მინისტრი უვაროვი სწერდა: რუსეთი ჯერ ყრმაა, უბიწო, და არ უნდა იგემოს სისხლ-ნარევი განგაში. (ე. ი. რევოლიუცია,) თუ შევეძელი, 50 წლით უკან დავსწევ რუსეთს, რომ დავაშორო იმას, რასაც თეორიები განუზღალებენ, და შემდეგ კმაყოფილი გარდავიცვლები, მოვალეობა—შესრულებულიო.

აი ასე, თანდარმებად ქცეული მინისტრები წინ-წაწვევის მაგიერ უკან სწევდნენ რუსეთის ცხოვრებას და ამრავლებდნენ ყოველგვარ ბოროტებას, რაც ამ გაუნათლებლობას სდევს ზოლმე ყოველთვის. გუბერნატორების და პოლიცემისტრების ბნელი გონიერება ყველგან შეიჭრა, და უნივერსიტეტებშიც კი ისეთ რამეს ასწავლიდნენ, რაც პირდაპირი დათრგუნვაა მეცნიერების, რაც აბუჩად აგდებაა ქეშმარიტების.

მიდიოდა დრო... მაგრამ ისე კი არა, რომ ამგვარ წყობილებას მტერი არ გამოსჩენოდა,—უამისობა შეუძლებელია. თვით ცხოვრება საზოგადოდ წინააღმდეგობათა ჯამია. ერთი მოვლენა უსათუოდ ჰპოულობს მოწინააღმდეგეს; იმართება მათ შორის ბრძოლა, და რომელიმე მათგანი რჩება გამარჯვებული. რუსეთის მეფეთა თვითნებობასაც გაუჩნდნენ მტრები, ე. წ. „ახალი ხალხი“, რომელიც საფრანგეთის რევოლიუციამ აღზარდა და უკმაყოფილების მოციქულებად გამოგზავნა სამშობლოში. 1825 წლის 4 დეკემბერს პირველად სცადეს რუსეთში სამხედრო ამბოხების საშუალებით



დაემყარებინათ ან ფედერალური რესპუბლიკა, ან და კონსტიტუციური მონარქია.

ამბოხების მეთაურებს დეკემბრისტები ეწოდებათ, რადგან ეს ამბავი დეკემბერში მოხდა. მაგრამ მათ ჭაბუკურ აღფრთოვანებას მთავრობის უხეშმა ძალამ ცეცხლი გაუწვავა და მათი ბელადნი: პესტელი, რილევეი, მურავიოვი, ბესტიუჟევი და კახოვსკი ჩაჰოლარჩვეს, 116 კაცი ციმბირ-კატორღაში გადაჰკარგეს, მაგრამ ამგვარი სისასტიკე განა ჩაჰკლავდა ერის მეთაურების ამბოხებულ სულს? განა გონიერი რუსეთის მახვილი აზრი ამით დაყრუვდებოდა? რასაკვირველია—არა. თუმც ფარულად, მაინც ცოცხლად და ძალუმად სწარმოებდა მუშაობა ცხოვრების გასაახლებლად, რუსეთის უემური სინამდვილის გარდასაქმნელად. რადგან რუსეთში მეტად ძნელდებოდა ამგვარი ფარული მუშაობა, ამიტომ მოქმედება საზღვარ გარედ გადაიტანეს და შვეიცარიაში—ციურხისა, ლონდონსა და ენევეში იწყეს მზადება და მუშაობა ისეთმა დიდმა რევოლიუციონერებმა, როგორც იყვნენ ლავროვი, გერცენი და ბაკუნინი. მიზანი ერთი იყო: შექმნა რუსეთის რევოლიუციისა. ამისათვის საჭირო იყო ახალგაზრდათა შეგნებულ რაზმის დამზადება, რომ დაბრუნებულიყვნენ სამშობლოში და ახალი სხივი შეეტანათ მშობელ ერის შეგნულ სინამდვილეში. —უნდა ვებრძოლოთ მთავრობას, არსებულ წესწყობილებას, სისხლის უკანასკნელ წვეთამდეო“, — აი რა გადაწყვეტილებით მოაშურეს რუსეთს ურჩმა შეილებმა. რევოლიუცია მთებს იქით კი არ ეგულებოდათ. საჭირო იყო მხოლოდ მუყაითი მუშაობა, ხალხის გაავითცნობიერება, და აკი მე-70 წლებში იწყეს კიდევ ხალხში



სიარული, რომლითაც დიდი ამაგი დასდეს საზოგადოებრივ რუსეთის განმათავისუფლებელ მოძრაობას.

1901 წლის დასაწყისი—ეს თარიღია ახალი ხანის, როდესაც ცხოვრებამ გეზი შეიცვალა, როდესაც მთავრობის ძალა შესუსტდა, და მის მიერ ნახმარი საშუალებანი უფრო მეტად იწვევდა ხალხს ამბოხების გზისკენ. 1901 წ. 4 მარტს მთავრობამ ყაზანის მოედანზე პეტროგრაღში ამოაწყვეტინა მემკობენი. მწერალთა ფურცლები მოედო მთელ რუსეთს და დიდი ღელვა შეიტანა ხალხში. მოსკოვში არაჩვეულებრივ გაიზარდა ქუჩის მოძრაობა. მუშათა მოძრაობამ ზრდა იწყო. სოფელშიც შეჩოქოლდა ხალხი. ყველამ იწყო სახსნელი გზის ძიება. ამ მიზნის გარშემო შემოიკრიბნენ უნივერსიტეტიდან გამორიცხული სტუდენტი, გადასახლებული მუშა, სოფლის მასწავლებელი და გლეხი. რუსეთ-იაპონიის ომამაც ხომ დიდად შეუწყო ხელი ამ განმათავისუფლებელ მოძრაობას. ომის აუარებელმა ხარჯებმა მეტამ მკაფიოდ დაუხატა ხალხს მთავრობის დამლუპველ პოლიტიკის სურათი. მდგომარეობა კი ისეთი იქმნებოდა, თითქოს რაღაც უნდა მომხდარიყო, თითქოს რაღაც დიდ მოვლენას უმზადდებოდა ნიადაგი. 1905 წლის 9 იანვარს მოხდა დიდი მოძრაობა. მღვდელი გაპონი გაუძღვა დამშეულ ხალხს მეფის სასახლისკენ და ხატებით ხელში პური და თავისუფლება სთხოვა. მაგრამ მეფის შავმა გულმა ვერ გაიგო ხალხის სულისკვეთება და ტყვიით გაუმასპინძლდა. რევოლიუცია მაინც მოხდა, და ხალხი თუმც დამარცხდა, მაგრამ არა სავსებით. თუმც გრაფ-ვიტტეს 17 ოქტომბრის მანიფესტი შესახებ სიტყვის, წერის, სინიღისის და კრებების თავისუფლებისა უდღეური გამოდგა, მაგრამ მთავრობამაც რომაოყენ დაიხია, ეს ვცეს გარეშეა.





ამას მოწმობს სათათბიროს დაარსება. თუმცა შეზღუდულია  
 რამ იყო ეს ე. წ. კონსტიტუცია, სადაც მეფისა და ხალხის  
 წარმომადგენლების შეთანხმებით უნდა წარმოებულიყო სა-  
 ხელმწიფოს მართვა-გამგეობა, მაგრამ მაინც ხალხის წარმო-  
 მადგენლობა ხომ მიიღებინეს ძველი წყობილების მედრო-  
 შებებს. მონარქიის ყრუ კედელი მაინც გაირღვა, და ძველი  
 მთავრობის სიმტკიცე შეირყა. ეს პირველი ნაბიჯი იყო გა-  
 მარჯვებისკენ გადადგმული.



ვ. კატაშვილი



დასურათებული საყმაწვილო ჟურნალი

წელიწადი  
**მეცამეტე.**

# „ნაკადული“

წელიწადი  
**მეცამეტე.**



ჟურნალი „ნაკადული“ გამოვა ჩვეულებრივი პროგრამით, საგანგებოდ მოწვეულ სარედაქციო კომისიის ხელმძღვანელობით.

**შურნალი გამოდის თვეში ორჯერ**

**24 წიგნი** „ნაკადულისა“ **12 წიგნი** „ნაკადულისა“  
მცირე წლოვანთათვის. **12** მოზრდილთათვის.

ყოველი წიგნის პირველ გვერდზე იქნება მოთავსებული გამოჩენილ მხატვართა ნახატი.

ფასი ჟურნალისა: წლიურად ორივე გამოცემა—5 მან.—ნიმთ. თვის, ვინც ჟურნალს რედაქციაში მოიკითხავს, გაგზავნით კი 6 მან.—ნახევარ წლით—3 მან. გაგზავნით—3 მან. 50 კაპ. ცალ-ცალკე: მცირე წლოვანთათვის **24 წიგნი**—3 მან. გაგზავნით—3 მან. 50 კაპ. მოზრდილთათვის **12 წიგნი**—3 მან. გაგზავნით—3 მან. 50 კაპ. ფულის შემოტანა შეიძლება ნაწილ-ნაწილიადაც.

ვსთხოვთ ხელის მომწერლებს, თუ ჟურნალი „ნაკადული“ არ მისდით, ერთი თვის განმავლობაში გვაცნობონ და ადრესის გამოცვლა დროზე შეგვატყობინონ. ადრესის გამოსაცვლელად—40 კ. შეიძლება მარკებით გამოიგზავნოს.

## **ხელის მოწერა მიიღება**

**თბილისში** - „ნაკადულის“ რედაქციაში, ზუბალაშვილის სახლი, გოლოვინის პროსპ. №8. Редакция „Накадули“, Головинский пер. № 8. შემოსასვლელი დავითას ქუჩიდან, № 2. წერა-კითხვის გამავრცელებელ საზოგადოების წიგნის მაღაზიაში, სასახლის ქუჩა; **ქუთაისში**—ისიდორე კვიციანიძესთან, მ. ყაუხჩიშვილთან და თ. მთავრიშვილთან. **ფოთში**—ლუდმილე მეგრელიძესთან. **ბათუმში**—ტროფიმ ინასარიძესთან ფოსტაში, რ სამსონ ყაზიშვილთან—ქალაქის გამგეობაში. **თელავში**—ვანო პაატაშვილთან. **ახალციხეში**—კონსტანტინე გვარამაძესთან. **ბაქოში**—მეთოდე კაკაბაძესთან. **გორში**—ქეთევან ჯაფახიშვილთან რწინო ლომოურთან. **ჭიათურაში**—ივ. გომელაურთან. **ხონში**—მ. ი. კავკანიძესთან. **მიხაილოვოში**—გიორგი ნაკაშიძესთან. **ოზურგეთში**—სალომე ხუნდაძესთან, **ლანჩხუთში** მასწავლებელ ჯუღელთან.

რედაქტორი **ნინო ნაკაშიძე**  
გამომცემელი **მ. პავლე იოსების-ძე** თუმანიშვილი.